




唐詩別款

地  
四

七律  
五言長律

土岐文庫  
文庫17  
W93  
10





文庫 17  
W93  
10



唐詩別裁集引典備註卷十六

長洲沈德潛歸愚選

後學俞汝昌增注

◎ 許 渾

金陵懷古

玉樹歌殘王氣終。景陽兵合戍樓空。楸梧遠近千  
官塚。禾黍高低六代宮。石燕拂雲晴亦雨。江豚吹  
浪夜還風。英雄一去豪華盡。惟有青山似洛中。

六朝

建都金陵至陳后主始滅故以此發端

玉樹後庭花陳后主新製曲六朝事跡景陽宮中有井隋克臺城陳後主與張麗華孔貴妃俱入井隋軍出之

卷十六

010185190795

昭和六十年二月一日  
土岐善麿氏寄贈



題衛將軍廟

原序將軍名遜陽羨人少習詩書學劍  
二十七年遊并汾間神堯皇帝始建義旗  
以勇藝進備行列洎擒竇建德時  
挾鎗劍前突後翼太宗顧而奇之天下  
既定錄其功拜將軍宿衛以母老且病  
乞歸侍殘年辭官表激詔許之既而以  
孝敏陸閭門於荆溪之涓以平生已甲懸  
懷其賢廟下歲時祭祀頗備其十焉文士  
東西廡下辭實詳備而國史闕書其人  
王教撰碑因題其詩於廟壁

武牢關下護龍旗，挾槊彎弓上馬飛。  
漢業未興王霸在，秦軍纔散魯連歸。  
墳穿大澤埋金劍，廟枕長溪挂鐵衣。  
欲奠忠魂何處問，葦花楓葉雨霏霏。

後漢工霸傳霸字元伯穎陽人光武過潁陽霸  
率賓客上謁光武曰夢想賢士共成功業豈有  
二哉魯連卻秦軍不受封而去詳卷二李詩

咸陽城東樓

雍錄唐咸陽縣在秦都之西

一上高樓萬里愁，蒹葭楊柳似汀洲。  
溪雲初起日沉閣，山雨欲來風滿樓。  
烏下綠蕪秦苑夕，蟬鳴黃葉漢宮秋。  
行人莫問當年事，故國東來渭水流。

吊古套語少陵懷古詩每章各有結束

晨起白雲樓，寄龍興江準上人兼呈竇秀才



抱

茲樓今是望鄉臺。鄉信全稀曉雁哀。山翠萬重當  
檻出。水光千里挹城來。東巖月在僧初定。南浦花  
殘客未回。欲弔靈均能賦否。秋風還有木蘭開。

離騷名余日正則兮字余日靈均

朝臺送客 臺在廣州府城西漢文帝造陸賈使南粵以誠感之趙佗稱臣

因築朝臺

趙佗西拜已登壇。馬援南征土宇寬。越國舊無唐  
印綬。蠻鄉今有漢衣冠。江雲帶日秋徧熱。海雨隨  
風夏亦寒。嶺北歸人莫回首。蓼花楓葉萬重灘。

征交州 柱為不

郵舍

自剪青莎織雨衣。南村煙火是柴扉。萊妻早報萊  
藜熟。童子遙迎種豆歸。魚下碧潭當鏡躍。鳥還青  
嶂拂屏飛。花時未免人來往。欲買嚴光舊釣磯。

庚信詩萊妻紡落毛家語曾參後母遇之無  
思棋養不衰其妻以蒸藜不熟出之陶詩種

豆南山下嚴光字子陵釣臺在桐廬

尚平多累自歸難。一日身閑一日安。山逕有雲收  
獵網。水門無月挂魚竿。花間酒氣春風遠。竹裏碁  
聲夜雨寒。三頃水田秋更熟。北窗誰拂舊塵冠。

後漢逸民傳向長字子平男女婚嫁畢遂游  
五嶽名山竟不知所終注高士傳向作尚



臥病

寒窗燈盡月斜暉。佩馬朝天獨掩扉。清露已凋秦塞柳。白雲空長越山薇。病中送客難為別。夢裏還家不當歸。惟有寄書書未得。臥聞燕鴈向南飛。前人所無而寫來獨新

南海府罷南康阻淺行侶稍稍登陸主人

燕餞至頻暮宿東溪

廣州南海縣秦置南海郡晉地理志南康郡太康三年置統縣南康志東溪在成

都府簡州東

暗灘水落漲虛沙。灘去秦吳萬里賒。馬上折殘江

北柳舟中開盡嶺南花。離歌不斷如畱客。歸夢初驚似到家。山鳥一聲人未起。半牀春月在天涯。

晚自朝臺至韋隱居郊園

秋來鳧鴈下方塘。繫馬朝臺步夕陽。邨徑繞山松葉暗。柴門臨水稻花香。雲連海氣琴書潤。風帶潮聲枕簟涼。西下磻溪猶萬里。可能垂白待文王。

磻溪呂望釣處鮑照詩垂白對講書

李遠

失鶴

秋風吹卻九臯禽。一片閒雲萬里心。碧海有情應



張望青天無路可追尋。來時白雪翎猶短。去日丹

砂頂漸深。華表柱頭留後語。更無消息到如今。

詩鶴鳴于九皋。玉篇翎羽也。相鶴經鶴之上相。凌頭朱頂。神仙傳丁令威化白鶴集於

遼東城門。華表柱上。

贈寫御容李長史

玉座煙銷研水清。龍鬚不動彩毫輕。初分隆準山

河秀。再點重瞳日月明。宮女卷簾皆暗認。侍臣開

殿盡遙驚。三朝供奉應無敵。始覺僧繇浪得名。東坡

贈寫御容妙善師中云。仰觀皎見日生暈。但見曉色開。次桑又云。野人不識日月角。鬚尚記重瞳

光與此詩正相表裏。後人揚蘇御李疎不必也。

漢書高祖龍顏降進。史記舜目重瞳子。注。張僧繇吳人。天監中以丹青馳譽於時。

雍陶字國鈞成都人。太和進士官至簡州刺史。嘗自比謝宣城。柳吳興。賓至

行不與接人。罕得見之。

塞路晴詩

晚虹斜日塞天昏。一半山川帶雨痕。新水亂侵青

草路。殘煙猶傍綠楊村。胡人羊馬休南牧。漢將旌

旗在北門。行子喜聞無戰伐。閒看遊騎獵秋原。

胡茄草盡水竭。分羊馬皆徙。過素論胡人不政。南下而牧馬。史記齊威王曰。吾吏有黔夫

者。使守徐州。則燕人祭北門。

項斯



送宮人入道

願隨仙女董雙成。王母前頭作伴行。初戴玉冠多  
誤拜。欲辭金殿別稱名。將敲碧落新齋磬。卻進昭  
陽舊賜箏。旦暮焚香練壇上。步虛猶作按歌聲。  
唐人詩無佳者。此篇差勝。本朝注太史。琬詩有  
去。顏逢鍊液重疑醜。身為持齋轉覺輕。傳關語妙  
又云。此生無復昭陽夢。猶為君王。玉  
夜祝施。傳出忠愛。過於前入矣。  
漢武內傳。七月七日。王母降於帝宮。母合玉子  
登彈八琅之璈。董雙成吹雲和之。笙石公子擊  
昆庭之金。許飛瓊鼓震靈之簧。

薛逢

開元後樂

莫奏開元舊樂章。樂中歌曲斷人腸。邠王玉笛三  
更咽。虢國金車十里香。一自大戎生薊北。便從征  
戰老汾陽。中原駿馬搜求盡。沙苑年來草又芳。

唐樂志。元宗於聽政之暇。為絲竹之戲。製新曲  
四十餘。又製樂譜。每初年望夜。御勤政樓。觀燈  
作樂。太真外傳。明皇與兄弟同處。妃子竊寧  
王玉笛吹之。號國夫人。貴妃姊也。郝注史  
記。周幽王寵褒姒。戲火於驪山。為大戎。問程詩  
音。大戎謂祿山也。又郭子儀封汾陽王。沙苑  
在同州。馮翊縣。

送靈州田尚書

一統志。漢靈州縣。後魏為靈州。隋置靈武郡。

陰風獵獵滿旌竿。白草颼颼劔戟攢。九姓羌渾隨



漢節六州蕃落從戎鞍。霜中入塞瑯已響。月下翻營玉帳寒。今日路旁誰不指。穰苴門戶慣登壇。

首節俱響

盛唐人 氣息 郝注唐書九姓羌中吐谷渾別自為一部落別羌大小部落八皆不相統一細封氏費聽氏往利氏頗超氏野辭氏房當氏朱擒氏拓拔氏又唐書銀州夏州石州會州河州靈州宋注唐地理志謂露元年於靈夏南境以降突厥地置魯州鹿州舍州塞州依州契州以唐人為刺史謂之六胡州 史 說山穰苴為司馬

漢武宮詞

武帝清齋夜築壇。自斟明水醮仙官。殿前童女移香案。庭際金人捧露盤。絳節有時還入夢。碧桃何處更驂鸞。茂陵煙雨埋冠劍。石馬無聲蔓草寒。

獨 求仙一事言之

長安夜雨

滯雨通宵又微明。百憂如草雨中生。心關桂玉天難曉。運落風波夢亦驚。壓樹早鴉飛不散。到窗寒鼓溼無聲。當年志氣俱消盡。白髮新添四五莖。

國策蘇秦之楚三月乃得見王辭去曰楚國食貴于玉蘇貴于桂謂者難得見如鬼王鄭得見加天帝今臣炊桂食玉因鬼見帝王曰聞命矣

趙嘏

長安月夜與友人話故山



宅邊秋水浸苔磯。日日持竿去不歸。楊柳風多潮未落。蒹葭霜冷雁初飛。重嘶匹馬吟紅葉。卻聽疎鐘憶翠微。今夜秦城滿樓月。故人相見一沾衣。

長安秋望

雲物凄清拂曙流。漢家宮闕動高秋。殘星幾點鴈橫塞。長笛一聲人倚樓。紫豔半開籬菊靜。紅衣落盡渚蓮愁。鱸魚正美不歸去。空戴南冠學楚囚。

微賞長笛句人因解趙倫樓

庚信詩蓮浦落紅衣左晉侯觀於軍府見鍾儀問之曰南冠而縶者誰也有司對曰鄭人所獻楚囚也

四也

司空圖

字表聖河中虞鄉人咸通末進士官禮部郎僖宗行在明為知制誥中書

舍人知天下必亂歸隱中條山玉官谷傾為生號坐臥其中乾寧間以戶兵二部侍郎召不起遷洛後柳璨希朱溫意詔圖人朝陽墮笏丐歸後聞哀宗被執不食而卒表淫論詩謂妙在酸鹹之外本朝于尚書上正本此意為唐賢三味集

退棲

宦遊蕭索為無能。移住中條最上層。得劍乍如添健僕。人書久似憶良朋。燕昭不是空憐馬。支遁何妨亦愛鷹。自致此身繩檢外。肯教世路日凌兢。

一聯當時藝林傳誦

燕昭愛馬見卷十岑參詩郝注晉沙門支遁常畜馬養鷹或問養此何為遁曰愛其神駿耳



歸王官次年作

亂後燒殘滿架書，峰前猶自戀吾廬。忘機漸喜逢人少，缺粒空憐待鶴疎。孤嶼池痕春漲滿，小欄花韻午晴初。酣歌自適逃名久，不必門多長者車。

李羣玉

九子坂聞鷓鴣

落照蒼茫秋草明，鷓鴣啼處遠人行。正穿屈曲崎嶇路，又聽鈎輅格磔聲。曾泊桂江深岸雨，亦於梅嶺阻歸程。此時為爾腸千斷，乞放今宵白髮生。

九子坂  
本草鷓鴣云鈎輅格磔又云喚惱澤家又云行不得可哥  
桂江在柳州城外梅嶺即大庚嶺

黃陵廟

廣輿記廟在湘陰縣劉表建祀靈二妃  
小姑洲北浦雲邊，二女明粧其儼然。野廟向江春寂寂，古碑無字草芊芊。東風近暮吹芳芷，落日深山哭杜鵑。猶似含嚔望巡狩，九疑如黛隔湘川。

送李裴評事

塞垣從事識兵機，只擬平戎不擬歸。入夜笳聲驚白髮，報秋榆葉落征衣。城臨戰壘黃雲晚，馬渡寒沙夕照微。此別不應書斷絕，滿天霜雪有鴻飛。

皮日休

卷十六

九

日暮  
深



館娃宮懷古

原注在研石山蓋以西施得名

豔骨已成蘭麝土宮牆依舊壓層崖  
弩臺雨壞逢金鏃香徑泥銷露玉釵  
研沼只留谿鳥浴屨廊空信野花埋

蘇麋鹿真開事須為當時一槍懷  
那注吳越春秋吳越王以三千強弩射湖頭與海神戰自是水不近城弩臨臺高射弩之處也又館娃宮傍有採香徑步康廟今靈巖寺是也研沼研山之水史記吳破越越進西施請退軍王許之王得西施荒淫無度日遊姑蘇子胥諫曰臣恐姑蘇不久為麋鹿之遊王不聽

經場帝行宮

陪書六年三月癸亥幸江都行宮 那注宮在江西南撫州府治西北內建迷樓

洛成帝幸之曰若使真仙遊此亦自當迷

此地曾經翠輦過浮雲流水竟如何香銷南國美人盡怨入東風芳草多殘柳宮前空露葉夕陽川

上浩煙波行人遙起廣陵思古渡月明聞棹歌  
詩如咸陽郡都長洲諸作設色寫景可以互相統易詩品在詠用晦下惟此首稍具典切餘韻猶存

崔

和友人鴛鴦之什

古今注鴛鴦水鳥似鳧毛有文采雌雄未嘗相離人得其一則一者相思而死故謂之匹鳥

翠鬣紅毛舞夕暉水禽情似此禽稀暫分煙島猶



回首只渡寒塘亦並飛。曉霧盡迷珠殿瓦。逐棹齊  
上玉人機。採蓮無限蘭橈女。笑指中流羨爾歸。

高情五六映襯此次第法不犯  
復也以此詩得名稱崔鴛鴦

東都賦鴛鴦鱗翠虹梁疊壯  
梁元帝鴛鴦賦文連新錦之機

李頎

湘中送友人

中流欲暮見湘煙。岸草無窮接楚天。去雁遠衝雲  
夢雪。離人獨上洞庭船。風波盡日依山轉。星漢通  
霄向水懸。零落梅花過殘臘。故園歸去又新年。

大歷  
十子

李山甫

字里未詳咸通中數舉進  
士破黜依魏博幕府終

公子家

唐代公子家之盛詩人在往言之  
如李義山之外戚平羌第一功七  
國三邊未幾參落馬到髮之類是也然郭令公宅未  
可矣此又北平宅為奉誠園後人至為乞  
不可概論

柳底花陰壓露塵。瑞煙輕罩一團春。鴛鴦占水能  
喚客。鸚鵡嫌籠解罵人。鵲裏似龍隨日換。輕盈如  
燕逐年新。不知買盡長安笑。活得蒼生幾戶貧。

寒食

柳帶東風一向斜。春陰澹澹蔽人家。於不著力處  
點雨到處十枝五。枝花萬井樓臺疑繡畫。九原珠



翠似煙霞年年今日誰相問獨臥長安泣歲華

隋隄柳

隋隄一千三百里植以楊柳

曾傍龍舟拂翠華至今凝恨倚天涯但經春色還秋色不覺楊家是李家昔日古陰從北朽逐波疎影向南斜年年只有晴風便遙為雷塘送雪花

揚帝御龍舟幸江都

李咸用

題王處士山居

雲木沉沉夏亦寒此中幽隱幾經年無多別業俱

王稅大半生涯在釣船蜀魄叫迴芳草色鷺鷥飛破夕陽煙干戈帽起能高臥真箇逍遙是謫仙

漢書反者如蠟毛而起

方干

字雄飛桐廬人為人質野貌寢兔缺名身後宰臣張文蔚秦文人不第者十五人干與焉皆追賜及第門人私諡為元英先生

自縉雲赴郡溪流百里輕棹一發曾不崇

朝敘事四韻寄獻段郎中

唐地理志處州縉雲郡本括州永嘉郡天寶元年更郡名縉雲縣有縉雲山

激箭前溪湍勢莫憑飄然一葉若為乘仰瞻青壁開天鏽斗轉寒潛避石稜巢鳥夜驚離島樹啼猿晝



怯下岳藤此中明日尋知己恐似龍門不易登

旅次洋州寓居郝氏林亭

唐地理志洋州洋川郡

舉目縱然非我有思量似在故山時鶴盤遠勢投  
孤嶼蟬曳殘聲過別枝涼月照窗欹枕倦澄泉遠  
石泛觴遲青雲未得平行去夢到江南身旅羈

○來 鳥字未詳 人

宛陵送李明府罷任歸江州

菊花村晚雁來天共把離杯向水邊官滿便尋垂  
釣侶家貧已用賣琴錢浪生湓浦千層雪雲起爐

峰一炷煙倘見吾鄉舊知己為言憔悴過年年

○高 駢字千 朝歷 官判南節度觀察等使廣明之

亂拜諸道兵馬都統鎮揚州懷二心擁兵自  
固好神仙在呂用之諸人政大亂為其將罪  
師鐸 所殺

和王昭符進士贈洞庭趙先生

為愛君山景最靈角冠袂禮一壇星藥將雞犬雲  
間試琴許魚龍月下聽自要乘風隨客誰同種  
玉驗仙經煙霞寂莫無人到惟有漁翁過洞庭

水經注洞庭湖中有君山 郝注道士夜禮屋  
斗 列仙傳淮南王仙去餘藥在鼎中雞犬  
之皆得飛昇故雞鳴雲中大吹天上 荀子伯  
牙鼓琴而游魚出聽 瓠巴鼓瑟而六馬仰秣

隨羽



○章 碣考標 進士

春別

柳下離觴指亂山。趨程不待鳳笙殘。花邊馬嚼金  
衝去樓上人垂玉箸看。柳陌雖愁風嫋嫋。葱河猶  
自雪漫漫。殷勤莫厭貂裘重。恐犯三邊五月寒。結意

厚溫

衛馬衛玉箸淚也葱河葱嶺河在西域

○崔塗

春夕旅懷

水流花謝兩無情。送盡東風過楚城。蝴蝶夢中家

萬里杜鵑枝上月三更。故園書動經年絕。華髮春

催兩鬢生。自是不歸歸便得。五湖煙景有誰爭。

○李郢

字楚望大中中進士為藩鎮從事兼侍御史後避亂嶺表

江上逢羽林王將軍

承入侍

虬鬚顛頰羽林郎。曾入甘泉侍武皇。鵬沒夜雲知

御苑馬隨仙仗識。天香五湖歸去孤舟月。六國平

來兩鬢霜。唯有桓伊江上笛。臥吹三弄送殘陽。五湖

河比范蠡六國句比王翦

先賢傳勾踐滅吳范蠡乃扁舟浮五湖不返史記王翦攻滅三晉荆燕齊盡并天下桓伊

笛見前卷杜牧詩



上裴晉公

四朝憂國鬢如絲。龍馬精神海鶴姿。天上王書傳  
詔夜。陳前金甲受降時。曾經煥亮三秋月。下盡羊  
曇兩路棋。惆悵舊堂扃綠野。夕陽無限鳥飛遲。

後不得於君故望其  
歸田玩未二句可見

四朝謂憲穆敬文也憲宗密旨付晉公討淮西  
晉公命李愬雪夜入蔡擒吳元濟

亮鍾武昌諸生吏殷浩之徒乘月登樓亮至欲  
起避之亮曰也君且許老子於此與復不淺

謝安傳符晉堅李衆百萬次淮肥安命駕出壘  
與交謂基賭別墅安基劣於宏是日宏懼與爲

敵手而又不勝安撫謂甥羊曇曰以擊乞市  
裴度傳午橋別墅花木萬株中起涼臺暑館名

日綺  
野堂

江亭春霽

江籬漠漠苒田田。江上雲亭霽景鮮。蜀客帆檣背  
歸燕。楚山花木怨啼鶯。春風掩映千門柳。曉色淒  
涼萬井煙。金磬泠泠水南寺。上方僧室翠微連。

楚辭。扈江籬  
與薛芷兮

鄭谷

漂泊

槿墜蓮踈池館清。日光風緒淡無情。鱸魚斫鱠輸  
張翰。橘柿呼奴羨李衡。十口飄零猶寄食。兩川消  
息未休兵。黃花催促重陽酒。何處登高望二京。



張翰吳人齊王固辟為司馬東曹掾見秋風起  
思吳中菰米葦羹鱸魚膾遂歸吳志李衡為  
丹陽令敕其子曰龍陽洲有木奴千頭歲可收  
絹千匹和注蜀有東川西川故曰兩川二京  
成陽洛陽也

少華甘露寺

方輿勝覽少華山在華州東南連太華山

石門蘿逕與天鄰  
名句兩檜風篁遠近聞  
飲澗鹿喧雙派水上樓僧踏一梯雲  
孤煙薄暮關城沒  
遠色初晴渭曲分  
長欲燃燈來此宿  
北林猿鶴舊同羣

鷓鴣

古今注南方有鳥曰鷓鴣鳴常自呼向曰  
高飛長霜露早晚啼出有時夜飛則以

樹葉覆其背土

爨戲煙蕪錦翼齊  
品流應得近山雞  
兩昏青草湖邊過  
花落黃陵廟裏啼  
遊子乍聞征袖濕  
佳人總唱翠眉低  
相呼相喚湘江曲  
苦竹叢深春日西

詩刻露不如神韻三四語勝於鈞

轉格傑也詩家稱鷓鴣以此  
禽經首有彩毛曰山雞  
湖黃陵廟俱在長沙曲有鷓鴣詞

雜隱

曲江春成

江頭日暖花又開  
江東行客心悠哉  
高陽酒徒半凋落  
終南山色空崔巍  
聖代也知無棄物  
侯門未



憶

必用非才一船明月一竿竹家住五湖歸去來

史記酈食其落魄欲見沛公沛公以儒主不之見酈生吾高陽酒徒非儒生也

憶九華故居

九華巉崿陰柴扉長憶前時此息機黃菊倚風邨  
酒熟綠蒲低雨釣船歸于戈已是三年別塵土邨  
堪萬事違回首佳期恨多少夜闌霜露又沾衣

登夏州城樓

即今榆林郡地

寒聲獵獵戍旗風獨倚危欄悵望中萬里山川唐  
土地千年魂魄晉英雄離心不忍聽邊馬往事應  
須問塞鴻好脫儒冠從校尉一枝長戟六鈞弓唐

昭談詩集

唐地理志夏州朔方郡

縣谷迴寄蔡氏昆仲

唐地理志利州益昌郡縣縣谷

一年兩度錦江遊前值東風後值秋芳草有情皆  
礙馬好雲無處不遮樓出將別恨和心斷水帶離  
聲入夢流今日因君試回首澹煙喬木隔縣州

杏花

暖觸衣襟漠漠香間梅遮柳不勝芳數枝豔拂文  
君酒半里紅欹宋玉牆盡日無人疑悵望有時經



雨乍淒涼。舊山山下還如此。迴首東風一斷腸。

集相如沽酒令文君嘗壚 宋玉登徒子好色賦臣東家子登牆闕臣三年矣

牡丹

豔多煙重欲開難。紅棠當心一抹檀。公子醉歸燈

下見。美人朝插鏡中看。當庭始覺春風貴。帶雨方

知國色寒。日晚更將何所似。太真無力凭欄干。唐

牡丹詩每失之存賦淺薄然如羅邙之看到子縣能幾家又索然興盡矣獨存此篇尚近雅音天實遺事明皇寵酒初醒凭妃子肩同看木芍藥上折一枝與妃子選嗅其艷曰此花香豔尤能醒酒今名爲醒酒花

中元夜泊淮口

木葉迴飄水面平。偶停孤棹已三更。秋涼霧露侵

燈下。夜靜魚龍逼岸行。欹枕正尋題柱思。隔樓誰

轉遶梁聲。錦帆天子狂魂魄。應過揚州看月明。

成都記或別有昇仙橋司馬相如初西去題其柱曰不乘驪馬與車不復過此橋 博物志薛蟻之謂蕭歌曰食既去餘響繞梁三日 錦帆天子指揚帝

贈同官李明府

贈同官李明府

訟堂寂寂對煙霞。五柳門前聚曉鴉。流水聲中視

公事。寒山影裏見人家。觀風競美新為政。計日還

知舊觸邪。可惜陶潛無限酒。不逢籬菊正開花。



晉書傅仰更黑字

吳融

字子華越州山陰人龍紀初成進士昭宗反正羣

臣稱賀融於先至於時左右驩駭帝有指授

疊十許種融於先至於時左右驩駭帝有指授

節事

抵鵲山前寄掩扉便甘終老脫朝衣曉窺清鏡干

峰入暮倚長松獨鶴歸雲裏引來泉脈細雨中移

得藥由肥何須一筋鱸魚膾始挂孤帆問釣磯

初注劉子崑山之下以王抵鵲彭蠡之濱以魚

在荆山山出

春歸次金陵

春陰漠漠覆江城南國歸橈趁晚程水上驛流初

過雨樹籠隄處不離鶯跡疎冠蓋兼無夢地近鄉

園自有情更被東風動離思楊花千里雪中行

韓偓

字致堯京兆萬年人龍紀元年進士

反正在為功臣隨幸岐下遷兵部侍郎進承者

上欲用為相方薦薦趙崇自代性朱全忠取

濮州司馬上與泣別是日人共向來之比

春盡

惜春連日醉昏昏醒後衣裳見酒痕細水浮花歸



意

含

別浦斷雲舍雨入孤邨人閑易得芳時恨地勝難  
招自古魂慙愧流鶯相厚意清晨猶為到西園

中秋禁直

星斗疎明禁漏殘紫泥封後獨凭欄露和玉屑金  
盤冷月射珠光貝闕寒天襯樓臺籠苑外風吹歌  
管下雲端長卿祗為長門賦未識君臣際會難

漢舊儀儀天子六聖皆以武都山紫泥封之  
輔舊事建章宮承露盤以銅為之上有仙人掌  
承露和王屑飲之  
關今珠宮司馬相如為陳皇后作長門賦以

安貧

手疲慵展八行書眼暗休尋九局圖窗裏日光飛  
野馬按頭筠管長蒲盧謀身拙為安蛇足報國危  
曾捋虎鬚舉世可能無默識未知誰擬試齊竿

邢子才詩獨寄八行書  
莊子逍遙篇野馬也塵埃之細者也塵埃也注野馬春月澤中  
俗呼鬚鬚史記陳軫見楚使昭陽同人有遺  
一壺酒者舍人相謂曰酒不足眾飲請畫地為  
蛇先成者獨飲一人先成舉酒欲飲曰吾更能  
畫蛇足後成人奪飲之曰蛇本無足有足非蛇  
也淮南子豹獸不可使緣木螻蛄不可使安足  
莊子盜跖篇孔子說盜跖盜跖不從曰其所  
為無病而自灸者也疾走料虎頭編虎鬚幾不  
免于虎口哉

韋莊

卷十六



柳谷道中作卻寄

馬前紅葉正紛紛。馬上離情欲斷魂。曉發獨辭殘  
月店。暮程遙宿隔雲村。心如岳色留秦地。夢逐河  
聲出禹門。莫怪苦吟鞭拂地。有誰領益待王孫。

廣輿記禹門何在汾州府城西

贈邊將

曾因征遠向金微。馬出榆關一鳥飛。萬里只攜孤  
劍去。十年空逐塞鴻歸。手招都護新降虜。身著文  
皇舊賜衣。只待煙塵報天子。滿頭霜雪為兵機。

後漢和帝紀圍北單于於金微止唐書太宗皇帝蓋曰又

著

綏州作

屬延州府軍處

雕陰無樹水難流。雉蝶連雲古帝州。帶雨晚駢鳴  
遠戍。望鄉孤客倚高樓。明如去日花應笑。蔡琰歸  
時髮已秋。一曲單于暮烽起。扶蘇城上月如鉤。

那注綏州即秦上郡雕陰道也明妃嫁匈奴後漢列女傳蔡琰字文姬為胡騎所獲没于南匈奴曹操贖之樂曲有大單于小單于

思歸

暖絲無力自悠揚。牽引東風斷客腸。外地見花終  
寂寞。異鄉聞樂更淒涼。紅垂野岸櫻還熟。綠染迴  
汀草又芳。舊里若為歸去好。子期荆謝呂安山。



呂氏春秋鍾子期死伯牙終身不復鼓琴  
盧康傳東平呂安服嵇康高致康友而善之

### 立春

青帝東來日馭遲暖煙輕逐曉風吹蜀袍公子樽

前覺錦帳住人夢裏知雪圍乍開紅菜甲綠幡新

翦綠楊絲殷勤為作宜春曲題向花牋帖繡楣

尚書緯春為青帝西京雜記太平之世風不  
鳴條開甲散萌而已歲時風上記立春之日  
謂之春幡或懸於家

士大夫之家剪綵為小幡  
人之頭或綴於花枝之下  
荆楚歲時記立春

日賦宜  
春二字

### 長安清明

早是傷春夢雨天可堪芳草更芊芊內官初賜清

明火上相閒分白打錢紫陌亂嘶紅叱撥綠楊高

映畫秋千遊人記得承平事暗喜風光似昔年

唐會要清明取榆柳之火賜近臣荆楚歲時  
記寒食蹴鞠黃帝所造洛中紀異天寶中大

宛國進汗血馬六疋一日紅叱撥二日紫叱撥

三日青叱撥四日黃叱撥五日丁香叱撥六日  
桃花叱撥開天遺事天寶宮中至寒食節晚  
宴樂帝呼為半仙之戲

### 和同年章學士華下途中見寄

綠楊城郭雨濛濛過盡千輪與濁蹄送我獨遊三

蜀路羨君新上九霄梯馬驚門外山如活花笑尊

前客似泥正是清和好時節不堪離恨劔門西

卷十六



衰字記蜀郡廣漢縣為為三蜀王逸  
九思緣天梯兮北上登太乙兮王臺

憶昔

昔年曾向五陵遊。午夜清歌月滿樓。銀燭樹前長  
似畫。露桃花下不知秋。西園公子名無忌。南國佳  
人字莫愁。今日亂離俱是夢。夕陽唯見水東流。此詩  
時赴亂離。追憶昔時。而作極  
西園公子。或指陳思。然與魏  
無忌。長孫無忌。俱不  
相合。不免有  
湊句之病。

陪金陵府相中堂夜涼

滿耳笙歌滿眼花。滿樓珠翠勝吳娃。因知海上神  
仙窟。只似人間富貴家。繡戶。夜攢紅燭雨。舞衣晴

曳碧天霞。卻愁宴罷青娥散。楊子江頭月半斜。是

說人問富貴幾如海上神  
仙。一用倒說。頓然換境。

劉威未詳

遊東湖王處士園林

偶向東湖更向東。數聲雞犬翠微中。遙知楊柳是  
門處。似隔芙蓉無路通。樵客出來山帶雨。漁舟過  
去水生風。物情多與閒相稱。所恨求安計不同。

和注長沙  
郡有東湖

秦韜玉字仲明。京兆人。為田令孜神第  
判官。中和二年得準敕及第。

貧女



蓬門未識綺羅香。擬托良媒益自傷。誰愛風流高  
格調。共憐時世儉梳妝。敢將十指誇纖巧。不把雙  
眉闌畫長。每恨年七。壓金線。為他人作嫁衣裳。高

寫照  
為貧士

荆注唐文宗下詔禁高髻儉妝去眉  
兩額古今注魏宮人好畫長眉

春雪

雲重寒空思寂寥。玉塵如糝滿春朝。片纔著地輕  
輕陷。力不禁風旋七銷。惹砌任他香粉如。繁叢自  
學小梅嬌。誰家醉卷珠簾看。絃管堂深暖易調。

曹

唐

字堯賓性州人初為道士後  
舉進士不第為使府從事

病馬

綠耳何年別灑津。病來顏色半塵沙。四蹄不鑿金  
砧裂。雙眼慵開玉筋斜。墮月兔毛乾。敲觶失雲龍  
骨瘦。查牙平原好放無人放。嘶向秋風苜蓿花。

荆注綠耳古良馬渥注水名在陝西沙州  
漢天馬曲足銀砧兮破層冰玉筋淚也

壠上沙葱葉正齊。騰黃猶自踟羸蹄。尾蟠夜雨紅  
絲腕。頭掉秋風白練低。力慙未思金絡腦。影寒空  
望錦障泥。階前莫怪垂雙淚。不遇孫陽不敢嘶。

荆注沙葱草名馬宜之騰黃神馬也又顏子  
望吳門遠橫白練孔子曰非也乃白馬之光  
晉書王武子有馬癖且知其性嘗乘一馬著連  
乾障泥前有水不肯渡王云此必是惜障泥使

卷十六

十四



人解去便徑渡水  
楚詞注孫陽伯樂也

張蠙

錢唐夜讌留別郡守

四方騷動一州安錢氏不用兵故錢周均安夜列榜疊伴客歡筆策調高山

閣迴蝦蟇更促海清寒屏間珮響藏歌妓幕外刀

光立從官沉醉不愁歸棹遠晚風吹上子陵灘

補注賈子新書曰士卒罷弊死於甲兵老弱騷動不能治產業云又江南以木槓警夜故日蝦蟇更

夏日題老將林亭

百戰功成翻愛靜侯門漸欲似仙家墻頭細雨垂

纖草水面迴風聚落花生放鞦韆間浸酒籠開鸚

鵡報煎茶幾人圖在凌煙閣曾不交鋒向塞沙唐

佳句如綠楊花撲一溪煙如芰荷翻雨發鴛鴦皆近小樣從水面迴風聚落花歸於自然宜王衍與徐后見其詩而欲官之也

譚用之字藏荆唐藝文志有譚藏川詩一卷里居出處未詳

秋宿湘江遇雨

江上陰雲鎖夢魂江邊深夜舞劉琨意雖不厚秋風萬里芙蓉國

暮雨千家薛荔村鄉思不堪悲橘柚旅遊誰

肯重王孫漁人相見不相問長笛一聲歸島門

晉祖述傳述與劉琨俱為州司士簿其被風寢中夜聞荒雞鳴蹴琨覺曰此非惡聲也因起舞



漢韓信傳吾哀王  
孫而進食豈望報乎

張泌

秋晚過洞庭

征帆初挂酒初醒  
暮景離情兩不堪  
千里晚霞雲  
夢北一洲霜橘洞  
庭南溪風送雨過秋寺  
礧石驚  
隴落夜潭莫把羈  
魂弔湘魄九疑愁絕鎖煙嵐

寰宇記橘洲在長沙縣西南四里  
江中大水洲皆沒此洲獨存

洞庭阻風

空江浩蕩景蕭然  
盡日菰蒲泊釣船  
青草浪高三  
月渡綠楊花撲一  
溪煙情多莫舉傷春目  
愁極兼

無買酒錢猶有漁

人數家住不成  
卽落夕陽邊

洞庭湖邊港汊故  
句否則風景全不

有綠楊花撲一溪煙  
合矣玩末句自明

青草  
湖名

王仁裕

字德輦天水人歷任後唐晉  
代長樂老人之亞也

放猿

原注仁裕從事漢中有獻小猿者隣  
其照慧育之名曰野賓經年壯大跳

脚頗為患繫紅絹  
於頸題詩送之

放爾丁寧復故林  
舊來行處好追尋  
月明巫峽堪

憐靜路隔巴山莫  
厭深樓窗免勞青嶂夢  
躋攀應

愜白雲心三秋松  
子纍纍熟任抱高枝探  
不禁

遇所放猿作

原注仁裕罷職入蜀行次漢  
江馬嶠家廟前見一巨猿舍



望而前於道畔古木間垂身下顧紅綃宛  
在以野實呼之聲聲如應立馬移時不覺  
測然遂繼  
題一篇云

蟠冢祠前漢水濱。飲猿連臂下嶮岫。漸來子細窺  
行客。認得依稀是野賓。月宿縱勞羈繼夢。松餐非  
復稻梁身。數聲腸斷和雲叫。識是前時舊主人。

◎沈彬

字子文。高安人。宋藝  
文志。有問居集十卷。

### 塞下

塞葉聲悲秋欲霜。寒山數點下牛羊。映霞旅雁隨  
疎雨。向磧行人帶夕陽。邊騎不來沙路失。國恩深  
後海城荒。胡兒向化新成長。猶自千回問漢王。塞下

詩防其粗豪此首最見品格。下平說武備廢弛  
胡人窺伺而措語婉曲於唐末符之尤為僅見

### 入塞

苦戰身經刀箭痕。戍樓獨上望星文。生希沙漠禽  
驕虜。死奪河源蒼聖君。為覩敗兵橫白草。馬驚邊  
鬼哭陰雲。功多地遠無人紀。漢閣笙歌日又曛。



唐詩別裁集引典備註卷十七

長洲沈德潛歸愚選

後學俞汝昌增注

五言長律

◎玄宗皇帝

太宗高宗俱有長律然音節未能諧和故以明皇為冠

早渡蒲關

唐地理志河中府河西縣有蒲津關一名蒲坂

鐘鼓嚴更曙山河野望通鳴鑾下蒲坂飛旆入秦

中地險關逾壯天平鎮尚雄春來津樹合月落戍

樓空馬色分朝景雞聲逐曉風所希常道泰非復

棄繻同詩之長律自顏謝諸公開出至唐始盛初只六韵後增至八韵少陵增至百韻又此

卷十七



體中變體也王介甫選唐詩以此篇歷卷

西都賦注嚴更督行夜鼓也  
道泰漢終軍傳軍步入關  
以此何為吏曰為復傳還當  
夫西遊終不復傳還棄繯而  
也舊開出入皆以傳傳煩  
因裂繯頭合以為符信也

早登太行山中言志

以下六句

為早登

清踈度河陽凝笳上太行火龍明鳥道鐵騎遶羊

腸白霧埋陰壑丹霞助曉光澗泉含宿凍山木帶

餘霜野老非為室樵人薜作裳宣風問耆艾敦俗

勸耕桑涼德慙先哲徽猷慕昔皇不因今展義何

以冒垂堂

晉書載記響清踈于常道之門漢地理志河

內郡縣在懷州河內縣北二十五里左火龍

翻轍昭其文也鐵騎見卷一賈至詩史記

注羊腸坂在太行山後漢班固傳茅室土階

楚辭探薜荔以為裳東都賦揚緝熙宣皇

賦雖一昌于垂堂乃永存乎長生孫綽

南出雀鼠谷畝張說

一統志雀鼠谷在汾州介休縣西

雷出應乾象風行順國人川途猶在晉車馬漸歸

秦背陝關山險橫汾鼓吹頻草依陽谷變花待北

巖春聞有鷓鴣客清詞雅調新求音思欲報心跡

竟難陳

卷十七



易雷出地奮 又乾為天  
為君 陝州汾河

左丞相說右丞相璟太子少傅乾曜同日

上官命宴東堂賜詩

赤帝收三傑黃軒舉二臣風后力救由來丞相重張說分掌國之

鈞我有握中璧雙飛席上珍太子少傅子房推道要仲子宋璟訝

風神復輟台衡老將為調護人鵷鸞同拜比車騎德收

擁行塵樂聚南宮宴觴連北斗醇俾余成百揆垂

拱問爨倫

赤帝指漢高高祖以子房蕭何韓信三人為人傑  
帝王世紀黃帝得風后以為相得力牧以禮儒有席上之珍以待聘劉琨詩握中有元璧漢書張良字子房

後漢書宋引 字仲子 陸機傳奕世合衡 留侯世家煩公幸 卒調護太子 漢高紀置酒維 陽南宮 楚辭 援北斗兮酌 桂漿 後漢書 百揆允當

春晚宴雨相及禮官麗正殿學士探得風

字

乾道運無窮恒將人代工禮官陰陽調歷象禮樂報元

穹介冑清荒外衣冠字士佐域中言談延國輔詞賦引

文雄野霽伊川綠郊明鞏樹紅會春風寗旒多暇景詩酒

會春風

易乾道變化各正性命書天工人其代之  
又燮理陰陽伊川鞏縣屬河南

楊師道

卷十七



還山宅

暮春還舊嶺。徙倚玩年華。芳艸無行逕。空山正落花。垂藤埽幽石。卧柳礙浮槎。鳥散茅簷靜。雲披澗戶斜。依然此泉路。猶是昔煙霞。清音間王孟一派

劉希夷

故園置酒

酒熟人須飲。春還髮已秋。願逢千日醉。得緩百年憂。舊里多青艸。新知盡白頭。風前燈易滅。川上月難留。卒卒周姬旦。栖栖魯孔丘。平生能幾日。不及且遨遊。

搜神記狄希中山人也能造千日酒飲之亦千日醉一慶信詩蒲桃一杯千日醉無事九轉學仙

楊炯

送劉校書從軍

天將下三宮。星門召五戎。坐謀資廟略。飛檄佇文雄。赤土流星劍。烏號明月弓。秋陰生蜀道。殺氣繞湓中。人送意風雨何年別。琴尊此日同。離亭不可望。溝水自西東。

隋天文志天將軍十二星在婁北中央大星天之左將星為左將軍右將星為右將軍書建三宮之文質注明堂辟雍靈臺也星門將注訓軍門幽明錄海中有金臺山高百尺橫



立巖者疎擢星明禮以習五戎張華傳雷  
煥得雙劍送一劍與華華以赤土致煥拭劍倍  
益精明古樹長而勁鳥集將飛枝彈鳥烏號  
古史考柘名烏號度信賦弓如明月對壩  
一統志淠水在臨洮蘭縣西一百八十里

盧照鄰

西使兼送孟學士南遊

李工南遊 自已 西使  
地道巴陵北天山弱水東相看萬餘里共倚一征

蓬零雨悲王粲清尊別孔融徘徊聞夜鶴悵望待

秋鴻骨肉胡秦外風塵關塞中唯餘劍鋒在耿耿

氣成虹零雨被秋草本孫楚詩王粲無零雨句也

等語故偶誤用耶仲宣霸岸之篇子荆零雨之章  
一氣承接不平寔前人但賞其起語雄渾須看

江賦爰有包山洞庭巴陵地道相中詔君山有  
地道一統志天山在交河城弱水在陝西  
州衛城西後漢書孔融好士嘗嘆曰坐上客  
常滿尊中酒不空吾無憂矣蘇武詩骨肉緣  
枝葉結交亦相因昔者  
常相近遂若胡與秦

駱賓王

晚泊蒲類

唐地理志北庭大都護府  
有蒲類縣縣有蒲類鎮

二庭歸望斷萬里客心愁山路猶南屬河源自北

流晚風連朔氣新月照邊秋龕火通軍壁烽煙上

戍樓龍庭但苦戰燕領會封侯莫作蘭山下空令

漢國羞二庭即南庭北庭  
復用龍庭亦病



丹鉛錄二庭者沙鉢羅可汗建庭於雖合水謂之南庭吐陸建牙於鐵曷山謂之北庭以伊列水爲界所謂南單于北單于也後漢書班超字伯升相龍庭單于祭天所也飛而食肉者曰生燕領虎頭飛而食肉此萬里侯相也後對定遠侯

靈隱寺

此即今之靈隱寺也後移靈隱於山下若今之靈隱能觀海日對江

湖平

此詩駱賓王宋之問集中皆載好事者撰出宋賦起二句下寔於才有老僧續下二句乃寔王也愚意但取其詩或駱或宋皆可好事者說之牴牾不足與辨

鷺嶺鬱岩堯龍宮鎖寂寥樓觀滄海日門對浙江

潮桂子月中落天香雲外飄捫蘿登塔遠剝木取

泉遙霜薄花更發水輕葉互凋夙齡尙遐異披對

滌煩囂待人天台路看余度石橋楊師道還山宅

初唐有之後人用備不用奇乃見正格

曼殊地志晉咸和中西天僧慧理登此山歎曰

此是中天竺國靈鷲山之一小嶺不知何年飛來

因號其峯曰飛來一日鷺嶺一統志飛來峯

在杭州城西二十里雜寶藏經請早入龍宮

摩鞭畫水白帖佛寺曰龍宮一統志浙江在

杭州府城東三里江日有山居江中潮水投山

十折而由故名禪林備覽天竺山八月十五

夜常有桂子落庾信詩天香下桂殿范雲

詩捫蘿正憶我易剝木爲舟沈

約詩夙齡愛遠壑天台山有石橋

宿温城望軍營

一統志温池城在寧夏中衛境唐置温池縣屬靈州

虜地寒膠折邊城夜柝聞兵符關帝闕天策動將

軍塞靜胡笳徹沙明楚練分風旂翻翼影霜劍轉



龍文白羽搖如月。青山斷若雲。煙疎疑卷幔。塵滅似銷氛。投筆懷班業。臨戎想顧勳。還應雪漢恥。持以報明君。  
長律以此種為正。少陵力量大。故能推擴至元。自動成百韻。潦倒極矣。鈔中所存皆敷陳典故。切篇法簡勁者。是錯傳欲立威者。始于折膠言秋氣至。膠可折也。顧勳謂顧榮揮扇破廣陵相。

上幸皇太子新院應制

佳氣曉葱葱。乾行入震宮。前星迎北極。少海被南

盧 俱

陳敏軍事

江總詩塞北寒膠折。史記晉鄒兵符在王卧內。左傳注天策尾上一星。唐書太宗加號天

策將軍。梁簡文詩風旗爭曳影。漢高斬蛇劍刃若霜雪白羽若月投筆用班超事。

風。願勝銅樓下。吹笙王座中。訓深家以政。義舉俗為公。父子成釗合。君臣禹啟同。仰天歌聖道。猶愧

乏彫蟲。

禹之傳子即是傳賢故云君臣

易乾天也。故稱乎父。震一索而得男。故謂之長男。庾信詩。木德舞震宮。漢五行志。心大星天王也。其前星太子。後星庶子也。山海經。無臯之山。南望幼海。注。即少海。淮南子。東方大渚曰少海。

陳子昂

白帝懷古

日落滄江晚。停橈問土風。城臨巴子國。臺沒漢王宮。荒服仍周甸。深山尚禹功。巖懸青壁斷。地險碧

卷十七

七



流通古木生雲際。歸帆出霧中。川途去無限。客思坐何窮。

方言楫謂之橈。一統志夔州府春秋時屬巴國。又永安宮在夔州府龍山下。

峴山懷古

秣馬臨荒甸。登高覽舊都。猶悲墮淚碣。尙想臥龍圖。城邑遙分楚。山川半入吳。江陵徒自出。賢聖幾凋枯。野樹蒼煙斷。津樓晚氣孤。誰知萬里客。懷古正踟躕。西王母白雲謠自

羊祜墮淚碑在襄陽峴山。一統志隆中山在襄陽城西二十五里。諸葛亮嘗隱於此。

杜審言

贈蘇味道

北地寒應苦。南庭戍不歸。邊聲亂羌笛。朔氣捲戎衣。雨雪關山暗。風霜草木稀。胡兵戰欲盡。漢卒尙重圍。雲淨妖星落。秋高塞馬肥。據鞍雄劍動。搖筆羽書飛。指乘輿還京已朋遊滿帝畿方期來獻凱歌。舞其春暉。

南庭南單于。馬援傳據鞍顧盼以示可用。論衡文吏搖筆。

度石門山

遠法師廬山記西南有石門山其形似雙闕壁立于餘仞而瀑布流焉。周景式廬山記石門山在康王谷東北八十餘里。



石門千仞斷，迸水落遙空。道束懸崖半，橋嵌絕澗中。  
仰攀人屢息，直下騎纒通。泥擁奔虵徑，雲埋伏獸叢。  
星躔牛斗北，地脉象牙東。關塞隨行變，高深觸望同。  
江聲連驟雨，日氣抱殘虹。未改朱明律，先含白露風。  
堅貞深不憚，險澀諒難窮。有異登臨賞，徒為造化功。

劉孝綽詩：晨征凌迸水。淮南子：前白螭沒奔虵。注：奔虵，馳虵也。沈約表：翔禽伏獸。漢書：天星皆有州國分野。斗牛，揚州。州：西山十二真君宅，皆在外縣。惟鍾離居象牙潭之丹陵觀，去城南八十里。兩雅：夏為朱明。晉周馥傳：峭雨險澀。

沈佺期

酬蘇員外味元夏晚寓直省中見贈

並命登仙閣，通宵直禮闈。大官供宿膳，侍史護朝衣。  
卷幔天河入，開牕月露微。小池殘暑退，高樹早涼歸。  
冠劍無時釋，軒車待漏飛。明朝題漢柱，三署有光輝。

蔣注：漢制尚書省在神仙門內，故云仙閣。任昉序：出入禮闈。十洲記：崇禮門，即尚書上省門。崇禮，東建禮門，即尚書下舍門。漢官儀：尚書郎入直，大官供食。又女侍史挈被護衣。題：桂見卷十三。李頎詩：通典：漢中郎將分堂三署。郎有議郎、中郎、侍郎。凡四等，皆秦官。主更直執杖宿衛諸殿門。惟議郎不在直中。

同幸舍人早朝



聞闔連雲起。巖廊拂霧開。玉珂龍影度。珠履雁行來。長樂宵鐘盡。明光曉奏催。一經傳舊德。五字擢英材。儼若神仙去。紛從霄漢回。千春奉休歷。分禁喜趨陪。司馬景王命虞松作表再呈不可意合松更定竭思不能改鍾會為定五字景王曰

王佐才也  
董仲舒傳游於巖廊之上注巖峻之感也  
史記春申君上客皆臨珠履長樂宮明光殿  
漢書韋賢字長孺為丞相封扶陽侯少子元成復位至丞相故鄒魯諺曰遺子黃金滿籬不如教子一經

### 奉和晦日幸昆明池

一統志昆明池在陝西西安府漢上林苑中武帝欲伐昆明穿此池以習水戰

法駕乘春轉。神池象漢廻。雙星遺舊石。孤月隱殘灰。戰鷁逢時去。恩魚望幸來。山花緹騎遠。堤柳幔城開。思逸橫汾唱。歌流宴鎬杯。微臣彫朽質。羞覩

豫章材。晦日意宋詩明寫此篇與昆明合賦因是敵手惟落句寬泛誠如昭容所計耳詩品

高下定于婦人女子奇哉

西都賦乘鸞輿備法駕昆明池有二石人象牛女  
方朔朔曰不知可問西域胡僧明帝時竺法蘭人來洛陽問之曰經謂天地大劫將盡則劫火洞燒此燒劫之餘灰也  
史記修昆明池治戰船  
今濟汾河橫中流兮揚素波  
漢武秋風辭汎樓船  
樂飲酒  
注東方有豫章木高千丈



宋之問

奉和幸長安故城未央宮應制漢之故都

漢皇未息戰，蕭相乃營宮。壯麗一朝盡，威靈千載

空。皇明愴前跡，置酒宴羣公。寒輕綵仗外，春發幔

城中樂思迴。斜日歌詞繼，大風今朝天子貴。不假

叔孫通此以冠冕典切勝今人但尚巧思耳

史謂高祖東擊韓王信於東垣，蕭丞相營作未

央宮，高祖還見宮闕壯甚，怒曰：成敗未可知，是

何治宮室過度也？蕭何曰：天子以四海為家，非

壯麗無以重威，且無合後世有以加也。又高祖

置酒沛宮，召故人父老子弟，縱酒自為歌曰：猛

士兮守四方，飛揚威加海內兮。歸故鄉，安得猛

士兮守四方，長樂宮無敢誼，譯失禮者，帝曰：我乃今

日知為天子之貴也

奉和晦日幸昆明池應制

春豫靈池會，滄波帳殿開。荆凌石鯨度，檜拂斗牛

迴。節晦奠全落，春遲柳暗催。象溟看浴景，燒劫辨

沉灰。鑄飲周文樂，汾歌漢武才。不愁明月盡，自有

夜珠來。中宗於正月晦日幸昆明池，集羣臣賦詩。

須臾落紙如飛，惟沈宋二詩不下，移時一紙飛墮

乃沈詩也，因其詩云：二詩工力悉敵，沈詩落句詞

氣已絕，宋猶健舉耳。漢武於昆明池放帶索

綸，釣之魚後得明珠一雙，帝曰：豈昔魚之報耶？

竹書紀年：帝堯在位，有草夾階而生，月朔始生

一莢，月半而生十五莢，十六日以後，日落一莢

及晦而盡，月小則一莢，焦而不落，名曰黃莢。

卷十七

十一



鮑照詩穿池類漢湖淮南子曰浴于咸池劫灰鑄飲汾歌見前沈詩

早發始興江口至盧氏村作

唐地理志韶州始興郡武德四年置始興縣開元十七年詔張九齡開

一名始興江

候曉踰閩嶂乘春望越臺宿雲鵬際落殘月蚌中

開薛荔搖青氣枕柳翳碧苔桂香多露裊石響細

泉圓抱葉元猿嘯翁花翡翠來南中雖可悅北思

日悠哉鬢髮俄成素丹心已作灰何當首歸路行

剪故園萊此應詩

一統志福建古閩越地越臺趙陀築北子鵬翼名垂天之雲史記明月之珠出於江海

藏於時中

登粵王臺

南越王趙佗所築

江上粵王臺登高望幾間南溟天外合北戶日邊

開地溼煙常起山晴雨半來冬花採虛橘夏果摘

楊梅跡類虞翻枉人非賈誼才歸心不可見白髮

重相催虞仲翔以直諫謫故云枉延

莊子南溟者天池也吳都賦開北戶以向日

諫爭權積怒遂徙韶交州

蘇頌

奉和聖製途次舊居



唐地理志潞州上黨郡上黨縣故聖宮本明皇故第

洛國臨淄耶天王別駕輿出潛離隱際小往大來  
初東陸行春典南陽卽舊姑約川星罕駐扶道日  
旂寄雲覆連行在風圓助掃除木行城邑望阜落  
土田疏昔試邦興后今過俗篋子示威寧校獵崇  
讓不陳漁府吏趨宸宸鄉耆捧帝車帳傾三飲處  
閑整六飛餘盛業銘汾鼎昌期應洛書願陪歌賦  
未留此蜀相如語語是帝王舊居點化經言冠冕正大

御箭連中雙兔

宸遊經上苑羽獵向閑田狡兔初迷窟緘離詎著

鞭三驅仍百步一發遂雙連影射含霜剌魂銷向

月弦歡聲動寒木喜氣滿晴天那似陳王意空垂

樂府篇

國策狡兔有三窟李斯傳乘織離之馬易工用三驅國策楚養由基善射去柳葉百步而射之百發百中曹植詩一縱兩禽連陳王疏月體正半昏而中似弓之張而絃直陳王

奉和聖製答張說出雀鼠谷

兩施巡方罷雲從訓俗迴密送汾水衛清蹕晉郊  
陪寒著山邊盡春當日下來御祠元鳥應仙仗綠  
雲開伴頌音傳雅觀文色動台更知西向樂宸藻



協鹽梅

同餞楊將軍兼原州都督御史中丞

舊書隋平涼郡武德九年置原州貞觀五年置都督府

右地接龜沙中朝在虎牙然明方改俗去病不為

冢將禮登壇盛軍容出塞華朔風搖漢鼓邊月思

胡笳旗台無邀正冠危有觸邪當看勞旋日及此

御溝花後漢張奐字然明和靈問三為大將正身

漢書霍去病將軍擊匈奴右地又雲中太守

曰順為虎牙將軍史記天子為霍去病治第

令驃騎視之日匈奴未滅何以家為孫子無邀正正之旗晉書侍御史黑豸升殿取觸邪

張說

奉和聖製送經華山

西岳鎮皇京中峯入太清玉鑿重嶺應縱騎薄雲

迎白日懸高掌巨林掌勞華山空映削成軒遊會神處漢幸望

仙情舊廟青林古寺在華陰縣新碑綠字生羣臣願封岱迴駕

勒鴻名未言封禪泰山後當勒銘於華

華為西岳也時說勒帝東封泰山故云

山京萊此五山黃帝之所常游與神會太室太

吾詩婚泉 庚肩

奉和聖製暇義與兄弟同遊興慶宮作應



唐三宗 諸子傳先天後以舊邸為興慶宮而賜寧薛申岐諸王第環列宮側

漢武橫汾日周王宴鎬年何如造區夏復此陸親

賢巢鳳新成闕飛龍舊躍泉棣華歌尚在桐葉戲

仍傳禁籞氛埃隔平臺景物連聖慈良有裕王道

固無偏問俗兆人早觀風五教宣獻圖開益地張

樂奏鈞天侍酒衛尊滿詢芻諫鼓懸永言彤友愛

萬國共周旋連題有法得體

橫汾宴鎬見前 沈佺期詩書用筆造我區夏

竹書黃帝二十有年有鳳凰集或止于東園或

慶宮有龍池詩常棣之華叔虞虞勇桐葉為圭日以封若

史佚詩擇日王日戲也史佚曰天子無戲言遂

封叔虞于唐廣韻籞禁苑也池水申編處蓋

魚梁孝士為複道自宮連屬于平臺書

敷五教在寬地圖趙世家簡子疾籍曰我之帝所與百神

遊于鈞天廣樂九奏萬舞不類三代之樂淮

南子聖人之道猶中衛而設尊過者對酌各得

其宜詩詢于芻蕘淮南子堯置鼓諫之鼓

將赴朔方軍應制

說本傳詔充朔方節度 觀行五城督士馬

禮樂逢明主韜鈴用老臣恭憑神武策遠靜鬼方

人供帳恩榮饒山川喜詔巡天文日月送朝賦管

絃新幼素傳三署裴材謝六鈞膽猶忠作屏心故

道為鄰漢保河南地胡清寒北塵連年大軍後不

日小康辰劒舞輕離別酣歌忘苦辛從來思博望



許國不謀身

許國不謀身 許國不謀身 許國不謀身

公六韜五卷 列仙傳呂尚釣于魚腹中 易高宗代魏方 命論張長嗣 三畧之說注石上畧中畧下 畧 禮記凡謂 小虞 漢張騫傳封博望侯

別滬湖

念別滬湖去。浮舟更一臨。千峯出浪險。萬木抱煙深。南郡延恩渥。東山戀宿心。露花香欲醉。時鳥嘯餘音。涉趣皆留賞。無奇不遍尋。莫言山水間。幽意在鳴琴。

張九齡

郡內閒齋

郡閣畫常掩。庭蕪日復滋。簷風落鳥翫。廳果共蟲絲。拙病宦情少。羈閑秋氣悲。理人無異績。為郡但經時。唯有江湖意。沈冥空在茲。亦用五韻

奉相聖製早度蒲關

魏武中流處。軒皇問道迴。長堤春樹發。高掌曙雲開。龍負王舟渡。人占仙氣來。河津會日月。天仗役風雷。東顧重關盡。西馳萬國陪。還聞股肱郡。元首

咏康哉

吳起傳魏武侯浮西河而下中流謂起曰美哉山河之固此魏國之寶也莊子廣成在崆峒山黃帝進而問道竹書禹巡狩濟江中流有二黃龍負舟史記文帝曰河東吾股肱郡



書元首明哉股肱  
良哉庶事康哉

奉和聖製送尚書燕國公說赴朔方軍

宗臣事有征廟算在休兵天與三台座人當萬里

城朔南方偃革河內暫揚旌寵錫從仙禁光華出

漢京山川勤遠畧原隰軫皇情為奏薰琴唱仍題

瑤劍名聞風六郡勇計日五戎平山甫歸應疾留

侯功復成歌鐘旋可望枕席豈難行四牡何時入

吾君聽履聲漢書何參位冠羣后為一代之宗臣

存燕許下孫子夫未戰而廟算勝者得算多也漢天文志魁下六皇兩兩相比者曰三能能音台

書壞汝萬里長城後漢書章帝賜韓稜鄧壽陳寵

揚旌萬里外趙赤國以六郡良家子

三人竄劍各署其名詩仲山甫徂齊式遄其歸

補羽林帝運籌策帷帳中決勝千里外子房功也乃封

富侯充國傳信威千里從枕席主過師漢書鄭崇

字子游京帝擢為尚書僕射每曳革履上笑曰

我識鄭尚書履聲

奉和聖製早登太行山言志

孟月攝提貞乘時我后征晨嚴九折度暮戒六軍

行日御馳中道風師奏太清戈鋌林表出組練雪

間明動植希皇豫高深奉睿情陪遊七聖列望幸

百神迎氣色煙猶喜恩光草甸榮之采稱萬歲今



此復同聲

騷離攝提貞于孟陬今注太歲在寅日攝提格  
貞正也正月為陬月呂氏春秋風師曰飛廉  
莊子黃帝將見大隗于具茨之山方明為御  
昌寓驂乘張若謂朋前馬昆閭滑稽後車至於  
襄城之野七聖皆迷無所問途  
庚信老子廟詩途經七聖迷

自始興谿夜上赴嶺

嘗蓄名山意茲為世網牽征途屢及此初服已非  
然日落青巖際谿行綠篠邊去舟乘月後歸鳥息  
人前數曲迷幽嶂連圻觸暗泉深林風緒結遙夜  
客情懸非梗胡為泛無膏亦自煎不知于役者相  
樂在何年

同蔡母學士月夜聞鴈

棲宿豈無意飛飛更遠尋長途未及半中夜有遺  
音月思關山笛風號流水琴空聲兩相應幽感一  
何深避繳歸南浦離羣叫北林聯翩俱不定憐爾  
越鄉心

張子容

長安早春試

長安秦開國移東井長安帖方城啟北辰為東帖咸歡太平日其樂建寅  
春雪盡黃山樹冰開黑水津為早春艸迎金埒馬花待玉  
樓人鴻漸看無數鶯遷聽轉頻何當桂枝擢還及



柳條新

漢地理志右扶風槐里縣有黃山宮書黑水  
西河惟雍州廣信馬射賦選朱汗之馬較黃  
金之埒諫文

將卑垣也

鄭 情 字文靖倉州人年十七成進士附張  
昌宗易之薦為殿中侍御史又附武  
三思遷吏部侍郎後  
預誰王重福謀伏誅

塞外二首

塞外蕭條望。征人此路賒。邊聲亂朔馬。秋引動胡笳。  
笳遙障侵歸目。長城帶晚霞。斷蓬飛古戍。連雁聚  
寒沙。海暗雲無葉。山春雪作花。丈夫期報主。萬里  
獨歸家。

謝朓詩涼風漢朔馬之秋引 謝

陽烏南飛夜陰山。北地寒。漢家征戍客。年歲在樓

蘭。玉塞朔風起。金河秋月圓。邊聲入鼓吹。霜氣下

旌竿。海外歸書斷。天涯旅鬢殘。子卿猶奉使。恒向

節旄看。知子卿奉使不足定人也

陽鳥難也樓蘭屬西域范雲詩獻

環潤玉塞金河在古雲內州東南

宋 璟 州人秋介有大節成進士累遷鳳  
宗時用中書門下三品開元中繼婉崇為相  
崇以才璟以節封廣平公以右丞相致仕卒

正 謚文

奉和御製 璟與張說源乾曜同日上官命



宴都堂賜詩一首應制

長律中數行一聯倍

丞相邦之重非賢

諒不居老臣庸且憊何德以當

諸厚秩先為忝崇

班復此除太常陳禮樂中掖降

簪裾聖酒江河潤

仙文象緯舒冒恩懷寵錫陳力

省空虛郭隗慙無

駿馮諉愧有魚不知周勃者榮

幸定何如日况

本傳開元十七年璟為尚書右丞相張丞相源乾曜為太子少傅同日

詔大官以議太常尚書省東堂帝賦

三樂詩以賜

徐堅

字元判官預修三教珠英遷司封員外郎

開元中為集賢院學士封東海郡公

奉和聖製送張說巡邊

至德撫遐荒神兵

走朔方帝思元帥重爰擇股肱

良累相承安世深

籌協子房寄崇專斧鉞禮倚設

壇場鼙鼓喧雷電

戈及凜雪霜四駢將戒道十乘

啟先行聖錫加恒

數天文耀寵光出郊開帳飲寅

餞盛離章雨濯梅

林潤風清麥野涼燕山應勒頌

麟閣佇名揚

漢張安世傳安世字子孺擢尚書令宣帝封萬

六百戶子房張良字詩四牡駢駢又元

戎十乘以先啟行文心離龍離章

合句燕山燕然山麟閣麒麟閣

卷十七

三



君御狐白裘。妾居  
細綺幃。粟鈿金夾膝。花錯玉搔  
頭。離別生庭草。征  
衣斷戍樓。蠶蛸網清曙。茵苔落  
紅秋。小膽空房性。  
長眉滿鏡愁。為傳兒女意。不用  
遠封侯。比薛道衡空梁落燕泥之作似又過之

◎王維

奉和聖製 上已於望春亭觀禊飲應制

雍錄望春亭在禁苑東南高原之上東臨滄水

長樂青門外。宜春  
小苑東。樓開萬戶上。輦過百花  
中。畫鷁移仙仗。金  
貂列上公。清歌邀落日。妙舞司

春風。渭水明秦甸。黃山入漢宮。君王來被袂。灞澗

亦朝宗。宗借二冬約

長樂宮名青門長安門宜春苑名子虛賦注鷁水鳥畫于船首漢谷永傳左右之臣戴金貂之飾渭水在長安黃山宮在右扶風子虛賦終始灞澗

奉和聖製與太子諸王三月三日龍池春

禊應制

故事修春禊。新宮展豫遊。明君移鳳輦。太子出龍  
樓。賦掩陳王作。杯如洛水流。金人來捧劍。畫鷁去  
迴舟。花樹浮宮闕。天池照冕旒。宸章在雲漢。垂象  
滿皇州。

卷十七



陳王陳思王曹植也。本集注晉武帝問三日  
曲水之義。束皙曰：昔周公城洛邑，因流水以汎  
酒，故逸詩曰：羽觴隨波。又秦昭王三日置酒河  
曲，見有金人出捧水，心劍曰：令君制有西夏及  
秦霸諸侯，因此處立為曲水祠。二漢相緣，皆為盛集。

奉和聖製暮春送朝集使歸郡應制

唐禮樂志：設諸州朝集使，位都督刺史  
三品以上，實錄天寶三載三月敕兩  
省五品以下鳴臚  
亭祖餞朝集使

萬國仰宗周，衣冠拜冕旒。王乘迎大客，金節送諸  
侯。祖席傾三省，褰帷向九州。楊花飛上路，槐色蔭  
通溝。來預鈞天樂，歸分漢主憂。宸章類河漢，垂象

滿中州。復州

博物志：周自后稷至於文武，皆都關中，號為宗  
周。恨賦：喪金輿及玉乘。周禮：小行人掌邦  
國賓客之禮。籍大客則擯小客，則受其幣而聽  
其辭。又凡使節，山國用虎節，土國用人節，澤  
國用龍節，皆金也。以英蕩輔之。唐宰相裴  
因隋舊，以三省長官為宰相。後漢書：賈琮為  
冀州刺史，舊典傳車駟駕，垂赤帷裳，迎於州界。  
琮曰：刺史當遠視廣聽，何有反垂帷裳以自掩  
塞乎？乃命御者褰之。列子：鈞天廣樂，帝  
之所居。辨命論：聖人之言，河漢而不測。

春日直門下省早朝

騎省直明光，雞鳴謁建章。遙聞侍中珮，暗識令公

香。玉漏隨銅史，天書拜夕郎。旌旗映闈闕，歌吹滿

昭陽。官舍梅初紫，宮門柳欲黃。願將遲日意，同與

聖恩長。陸倕新漏刻銘銅  
史司刻金徒抱箭



秋興賦寓直於散騎之省。明光殿建章宮。古今注玉佩之法。漢末喪亂而不傳。至魏侍中王粲識古佩之法。更制焉。荀令君坐席三日。香不散。漢官儀黃門郎日暮入對青瑣門。拜名曰夕郎。閩闔門昭陽殿。西京雜記武帝修上林苑。遠方名獻。名果有紫葉梅。紫華梅。

送李太守赴上洛

漢書上洛漢縣屬弘農郡在洛水上故為縣名

南山包楚鄧。積翠瀉沉沉。驛路飛泉灑。關門落照深。野華開古戍。行客響空林。板屋春多雨。山城畫欲陰。丹泉通號畧。白羽抵荆岑。若見西山爽。應知

黃綺心。似欲諷其歸意

商山在洛四皓所隱。左巴漢楚鄧吾南上也。漢地理志天水隴西山多林木民以板為室。

屋。水經丹水出上洛蒙嶺山。左東盡號畧。春秋昭公十八年冬。許遷於白羽。王粲賦。蔽荆山之高峰。應詩且當從黃綺。

曉行巴峽

際曉裝巴峽。餘春憶帝京。晴江一女浣。朝日衆禽鳴。水國舟中。市山橋樹杪。行登高萬井。出眺迴三流。明人作殊方語。鶯為舊國聲。賴多山水趣。稍解

別離情

韓詩外傳孔子適楚至于阿谷之隧有處子佩填而流者孔子曰彼婦人其可與言矣乎

送秘書晁監還日本

唐東夷傳日本倭國之別種也開元初其朝臣使滿慕中國之風因留不去



易姪名曰胡衡久乃还晁與朝同

積水不可極。安知滄海東。九州何處遠。萬里若乘

空向國。唯看日歸帆。但信風鰲身。映天黑魚眼。射

波紅。鄉樹扶桑外。主人孤島中。別離方異域。音信

若為通。姚合極交卷

荀子積水而為海。鰲戴蓬萊。扶桑國在碧海東。

遊感化寺

舊書感化寺在藍田縣

翡翠香煙合。琉璃寶殿平。龍宮連棟宇。虎穴傍層

楹。谷靜唯松響。山深無鳥聲。瓊峯當戶折。金闕透

林明。鄂路雲端迴。秦川雨外清。鴨王銜果獻。鹿女

踏花行。抖擻辭筵里。歸依宿化城。遶籬生野蕨。空

館發山櫻。香飯青菰米。嘉蔬綠笋羹。誓陪清梵末

端坐學無生。

蓮花經。國名。寶生地。平如掌。琉璃埒。所成。寺名。龍宮。高僧傳。佛調人石穴。虎窟中。宿虎。還共。

兩時。雁王名曰賴吒。雁王有臣名曰素摩。雁王

為獵師。捕得雁。皆棄去。惟素摩隨逐。不捨。語獵

師言。請放我。王以身代之。西域記。有仙人春

月。鼓權。鹿隨飲。感生女子。唯脚似鹿。足履地

跡。皆成蓮花。釋氏要覽。梵語。杜多。漢言。抖擻

珠。師利。問經。念我昔於貧里。行乞法華經。文

誌。經。維摩詰。往上方。有國號香積。莊依維摩

以眾香鉢。盛滿香飯。悉飽眾會。



過沈居士山居哭之

楊朱來此哭。桑扈返於真。獨自成千古。依然舊四

鄰。閒簷喧鳥雀。故榻滿埃塵。曙月孤鶯囀。空山五

柳春。野花愁對客。泉水咽迎人。善卷木平去声亦可善卷則時。意黔婁

在日貧。逝用嗟。福命。且非歎。吾身前後。徒言隔相

思。語。幾。晨。高上傳舜以天下讓善卷卷曰吾何以

列子隨梧之死楊朱無其尸而哭莊子子桑

琴相和而歌曰而已反其真而我猶為人猶

列女傳黔婁先生死曾子弔之曰先生何以爲

幾誰能弊金石任山詩與子別幾晨

邱

韻之作應制

唐書玉霄公主字持盈始封崇昌縣主俄

進號上清玄都大洞三景師天寶三載上

言願去公主號罷邑司歸之王府玄宗不

許又言妾於天下不爲賤何必名繫主號

資湯沐請入數百家之產

延十年之命帝乃許之

碧落風煙外。瑤臺道路賒。如何連帝苑。別自有仙

家。易地上有水比言相比無間也近本謗作此地比地迴鑿駕緣溪轉翠華洞中開日月窻裏發

雲霞。庭養冲天鶴。溪留上漢槎。種田生白玉。泥竈

化丹砂。谷靜泉逾響。山深日易斜。御羹和石髓。香

飯進胡麻。大道今無外。長生詎有涯。還瞻九霄上。

來往五雲車。公主辭主第而就山莊應志在求仙者



度人經道言昔於始青天中碧落空歌注東方  
第一天有碧霞遍滿是云碧落天台山賦王  
喬控鶴以冲天玉上漢槎用乘槎事水經注  
無終山有雍伯玉田在縣西北李少君日祀  
竈則丹砂可化為黃金阮肇入台山采藥得  
滑如飴之中齊諧記劉晨阮肇二人因過水見二女  
邀過家下胡麻飯山羊脯食之甚美莊子大  
道能包之而麻飯之及日至大無外謂之  
大也庾信詩東明九芝蓋北燭五雲車

孟浩然

西山尋辛諤

漾舟尋水便清酒因訪故人居落日清川裏誰言獨羨  
魚石潭窺洞徹沙岸歷紆餘竹嶼見垂釣茅齋聞  
讀書款言忘景夕清興屬涼初回也一瓢飲賢哉

常晏如

高適

送柴司戶充劉卿判官之嶺外

嶺外資雄鎮朝端寵節旄土惟月指河月卿臨幕府星使出詞

曹海對羊城闊山連象郡高風霜驅瘴癘忠信涉

波濤別恨隨流水用呂處贈王祥佩刀事交情脫寶刀有才無不適行矣

莫徒勞忠信句不落塵

晉天文志流星天使也羊祜傳祜卒荊州人  
為祜諱名改戶曹曰詞曹廣州南海縣城呼  
五羊城後漢郡國志日南郡故秦象郡家  
語孔子息駕于河梁有懸水三十仞流九  
里見一丈夫厲之孔子問之曰子乎有道術乎  
曰始吾之入也以忠信及吾之出也亦以忠信  
卷十七



陪竇侍御汎靈雲池

公靈雲南亭詩序涼州近胡高下其池亭蓋以耀番落也幕府董帥雄勇徑踐戎庭自陽關而西猶枕席矣軍中無事君子飲食宴樂宜哉

白露先時降。清川思不窮。江湖仍塞上。舟楫在軍

中。舞換臨津樹。歌饒向晚風。夕陽連積水。邊色滿

秋空。乘興宜投轄。邀歡莫避聰。誰憐持弱羽。猶欲

伴鷓鴣。

陳遵大飲輒關門取客車轄投井中桓典為御史乘驄馬

留上陳左

德以精靈降。時膺夢寐求。蒼生謝安石。天子富人

侯。尊俎資高論。巖廊抱大猷。相門連戶牖。卿族嗣

弓裘。豁達雲開霽。清明月映秋。能為吉甫頌。善用

子房籌。階砌思攀陟。門闌尙阻修。高山不易仰。大

匠本難投。跡與松喬合。心緣啟沃留。公才山吏部。

書癖杜荊州。幸沐千年聖。何辭一尉休。折腰知寵

辱。迴首見沈浮。天地莊生馬。江湖范蠡舟。逍遙堪

自樂。浩蕩信無憂。去此從黃綬。歸歟任白頭。風塵

與霄漢。瞻望日悠悠。

安石不出如蒼生何漢書車千秋封富民侯詩吉甫作頌漢張良傳請借前箸為大王籌之論衡斬桃為人立之戶側畫虎之形著之門闌詩高山仰止淮南子大匠不斲曹



植樂府大匠無棄材船車用不均  
易林壽如  
松喬書啟乃心沃朕心  
晉虞駿傳駿歷仕  
吳興太守王導謂駿曰孔愉有公才而無公望  
晉  
丁潭有公望而無公才兼之者其在卿乎  
晉  
書山濤為吏部尚書舉無失才  
晉杜預傳預  
常稱王濟有馬癖和嶠有錢癖武帝問之謂預  
預拜鎮南大  
日卿有何癖對曰臣有左傳癖  
預封  
將軍都督荊州軍事一馬也  
本傳調封  
子天地一指也萬物一馬也  
史  
記范蠡乘扁舟遊於江湖

◎李頎

聖善閣送裴迪入京

雪華滿高閣苔色上勾闌  
藥艸空階靜梧桐返照  
寒清吟可愈疾攜手暫同歡  
墜葉和金磬饑鳥鳴  
露盤伊流惜東別  
灞水向西看  
舊託含香署雲霄

何足難

通雅勾闌猶欄干也魏文典畧太祖苦頭風  
讀陳琳檄草曰此愈我疾  
江總詩關山嗟墜  
葉伊在河南霸在長安  
漢  
官儀尚書含雞舌香奏事

送劉主簿歸金壇

與子十年舊其如難別何  
宦遊憐故國歸夢是滄  
波京口青山遠金陵芳艸多  
雲帆曉容裔江日晝  
清和縣郭舟人飲津亭漁者歌  
茅山有仙洞羨爾  
再經過

◎岑參

早秋與諸子登號州西亭觀眺



亭高出鳥外。客到與雲齊。樹點千家小。天圍萬嶺

低。殘虹挂陝北。急雨過關西。酒榼緣青壁。瓜田傍

綠溪。微官何足道。愛客且相攜。唯有鄉園處。依依

望不迷。起手貴矣元少陵有開筵對鳥巢句此同一落想

六月十三日水亭送華陰王少府還縣

亭晚人將別。池涼酒未酣。關門勞夕夢。仙掌引歸

驂。荷葉藏魚艇。藤花罨客簪。殘雲收夏暑。新雨帶

秋嵐。失路情無適。離懷思不堪。賴茲庭戶實。別有

小江潭。岑在關外思長安故夢為之勞王歸華陰路從仙掌若引歸驂也二四極見用意一

唐地理志華州華陰縣垂拱二年更名他掌

### 送盧郎中除沅州之任

罷起郎官草。初分刺史符。海雲迎過楚。汀月引歸

吳。城底濤聲震。樓頭蜃氣孤。千家窺驛舫。五馬飲

春湖。柳色供詩用。鶯聲送酒須。句不穩而知君望鄉處。枉道

上姑蘇。

### 送郭僕射節制劔南

鐵馬擐紅纓。幡旂出禁城。明王親授鉞。丞相欲專

征。玉饌天厨送。金杯御酒傾。劔門乘險過。閣道踏

空行。山鳥驚吹笛。江猿看洗兵。曉雲隨去陣。夜月

逐行營。南仲今時往。西戎計日平。將心感知已。萬



里寄懸旌

詩驥鐵孔阜疏鐵者言其黑色如鐵南史梁武舉兵得鐵馬五千匹漢武內傳王母自設天厨曹植詩御酒停未飲劍門閣道在蜀詩赫赫南仲薄伐西戎

盧象

送祖詠

田家宜伏臘歲晏子言歸石路雪初下荒村雞共飛東原多煙火北澗隱寒輝滿酌野人酒倦聞鄰女機胡為困樵采幾日罷朝衣

祖詠

清明宴司勳劉郎中則業

田家復近臣行樂不違親霽日園林好清明煙火新以文常會友唯德自成鄰池照窗陰晚杯香藥味春欄前花覆地竹外鳥窺人何必桃源裏深居

作隱淪平格平調然自穩稱

後漢書或問范滂曰郭林宗何如人滂曰隱不違親貞不絕俗

張謂

同諸公遊雲公禪寺

共許尋雞足誰能惜馬蹄長空淨雲雨斜日半虹霓  
霓簷下千峯轉窗前萬木低看花尋徑遠聽鳥入林  
遙地與喧聞隔人將物我齊不知樵客意何事



武陵溪雞足山名摩訶迦葉入定處

李白

送儲邕之武昌

黃鶴西樓月長江萬里情春風三十度空憶武昌

城送爾難為別銜杯惜未傾湖連張樂地山逐汎

舟行諾謂楚人重詩傳謝朓清滄浪吾有曲寄人

棹歌聲以古風起法運作長律太白天才不拘繩墨乃尔

黃鶴樓在武昌唐地理志鄂州有武昌縣莊子黃帝張咸池之樂於洞庭之野楚人謠曰得黃金百斤不如得季布一諾南史謝朓文章清麗

送友人尋越中山水

聞道稽山去偏宜謝客才千巖泉灑落萬壑樹縈

廻東海橫秦望西陵遠越臺湖清霜鏡曉濤白雪

山來八月枚乘筆三吳張翰杯此中多逸興早晚

向天台越中山水獨數會稽此時杭州屬吳

越絕書禹治水至越上茅山更名會稽鍾嶸詩品錢塘杜明師夢東南有人來入其館是夕靈運生於會稽其家送靈運於杜十五方還故

名客見宋書謝靈運移籍會稽修營別業旁山帶江盡幽居之美與浙江亭相對乃錢塘會稽

南本集注西陵與浙江亭相對乃錢塘會稽津渡處一統志越王臺在種山枚乘七發

將以八月之望觀濤乎廣陵之曲江郡人嘗曰郡吳興丹陽為三吳晉書張翰吳郡人嘗曰

使我有身後名不如即時一杯酒天台山在

天台



秋日與張少府楚城韋公藏書高齋作  
日下空亭暮城荒古跡餘地形連海盡天影落江  
虛舊賞人雖隔新知樂未疎彩雲思作賦丹壁問  
藏書查擁隨流葉萍開出水魚夕來秋興滿回首  
意何如

春日歸山寄孟浩然

宋紱遺塵境青山謂梵筵金繩開覺路寶筏度迷  
川嶺樹攢飛棋岳花覆谷泉瑤形標海月樓勢出  
江煙香氣三天下鐘聲萬壑連荷秋珠已滿松密  
蓋初圓鳥聚疑聞法龍參若護禪媿非流水韻叨

入伯牙絃

三天謂清微天  
馮餘天大赤天

法華經黃金為繩以界入道  
法如筏喻者方言筆謂之筏  
物南土名錫北土名筏  
松雜寶積經鸛雀口中  
一處諸鳥皆聚集神僧傳淨長僧溪僧結茅  
為室有龍天矯而出呼而馴擾焉  
志在流水

秋日登揚州西靈瑤

寶瑤凌蒼蒼登攀覽四荒頂高元氣合標出海雲  
長萬象分空界三天接畫梁水搖金刹影日動火  
珠光鳥拂瓊簾度霞連繡棋張日隨征路斷心逐  
去帆揚露浩梧楸白霜催橘柚黃玉毫如可見於



此照迷方

人手高超能以

爾雅孤竹北方西王母日下謂之四荒善覺  
要覽剝削藩柱也沙門得一法者便建旛告四  
遠火珠出南蠻鮑照詩南國有儒生迷方獨淪誤  
毫遺觀鮑照詩南國有儒生迷方獨淪誤

中丞宋公以吳兵赴河南軍次尋陽脫余

之囚參謀幕府因贈之

不傳坐永王瑒事長流夜郎會赦還尋  
陽坐事下獄時宋若思將吳兵赴河南

道尋陽釋囚  
辟為參謀

獨坐清天下專征出海隅九江皆渡虎三郡盡還

珠組練明秋浦樓船入郢都風高初選將月滿欲

平胡殺氣橫千里軍聲動九區白猿慙劍術黃石

借兵符戎虜行當剪鯨鯢立可誅自憐非劇孟何

以佐良圖史記吳楚反時條侯至河南得劇孟喜

多感謝脫囚而第言

後漢宣秉傳宣秉字巨公拜御史中丞光武特

而半故京師號曰二獨坐後漢書宋均遷九

一太守郡多虎暴嘗暮設陷奔均下記屬縣曰

孟嘗事見卷九王維詩相與東遊渡江隋縣名

唐置池州漢書治樓船高十餘丈秋浦縣名

有處女能劍術王聘之處女將北見王道逢老

翁自稱袁公曰聞子善劍願一觀之文曰惟公

地處女於是袁公即杖箬筵竹枝上韻橋末墜

袁公飛上樹化為白猿而去黃石即黃石公

左注鯨鯢魚名喻不義吞食小國左思詩

卷十七

三



夢想騁  
良圖

杜

甫

五言長律陳杜沈宋簡老為宗燕許曲五請崇典碩老杜出而推撫之精

力團聚氣象光昌極人問之偉觀後有作者莫能為役

冬日洛城

北謁公元皇帝廟

原注廟有吳道子畫五聖

圖

配極玄都闕祀北極也憑高築籙長禁苑之遠守祧嚴具禮掌節鎮非

常碧瓦初寒外金莖一氣傍山河扶繡戶日月近

雕梁仙李盤根大荷蘭奕葉光世家遺舊史道德

付今王畫手看前輩吳生遠壇場森羅移地軸妙

絕動宮牆五聖聯龍袞千官列鴈行冕旒俱秀發

旌旆盡飛揚翠柏深留景紅梨迥得霜風箏吹玉

甘露井凍銀牀身退卑周室經傳拱漢皇谷神如

不死裘拙更何鄉通體含諷末尤婉曲見老子之

方養拙藏名於無學以谷神不死為主如其果然

榮耶微而顯矣漢武故事武帝以七月七日生

于荷蘭殿此以漢武此玄宗也

禁籙所營周禮守祧掌守先王之陽羽獵賦

邢節而辨其用合丞各一員周禮掌節掌守

君母見日精如流星飛人口中因有娠七十一

子生而能言指李樹曰以此為我姓神仙傳老

明皇注道德經唐書高宗幸亳州請老君廟

有風琴風箏皆風動成音古樂府後園鑿井

銀作牀金旗素綆汲寒漿史記老子周守

卷十七

三



藏之史也見周衰遂去老子谷神不死是謂  
公牝注谷養也神謂五臟之神閉居賦終復  
游以養拙

投贈哥舒開府翰二十韵

舊書翰突騎施首領哥舒詡落之後因  
新書翰加開府儀同三司

今代麒麟閣何人第一功君王自神武駕馭必英

雄開府當朝傑論兵邁古風先鋒百勝在畧地兩

隅空青海無傳箭天山早挂弓廉頗仍走敵魏絳

已和戎每惜河湟棄新兼節制通智謀垂睿想出

入冠諸公日月低秦樹乾坤繞漢宮胡人愁逐北

宛馬又從東受命邊沙遠歸來御席同軒墀會寵

鶴駝獵舊非熊茅土加名數山河誓始終策行遺

戰伐契合動昭融勳業青冥上交親氣槩中未為

朱履客已見白頭翁壯節初題柱生涯獨轉蓬幾

年春草歇今日暮途窮軍事留孫楚行間識呂蒙

防身一長劍將欲倚崆峒有氣象有神力開合變  
化白中規矩長律以少

陵為至元白動成百韵頽然自放矣

莫善功臣於麒麟閣  
忠嗣為龍看節度使築  
吐蕃不敢近青海唐地  
西道傳箭見卷十二  
李商隱詩史評廉頗  
趙將破齊攻魏左晉  
侯以藥腸魏絳日子教  
寡人和諸戎狄本集  
注遼河乃河曲築墜以  
備寇翰破吐蕃悉收九  
曲地置挑陽郡徐儀  
詩夜深留字想漢伐  
大宛得天馬庚信表



軒扉弘敞左衛懿公好鶴非熊見卷一賈  
至詩舊書翰進封西平都王食齊封五百戶  
相如西公題橋村曰不記成都有昇仙橋可馬  
蒙於行陣芝字子荆遷石苞秦軍吳志拔呂  
山

贈特進汝陽王二十二韻名璉字長子

特進羣公表天人夙德升  
霜蹄千里駿風翻九霄  
鵬服禮求毫髮惟忠忘寢  
興聖情常有眷朝退若  
無憑仙體來浮蟻奇毛或  
賜鷹清闕塵不雜中使  
日相乘晚節嬉遊簡平居  
孝義稱自多親棣萼誰  
敢問山陵學業醇儒富詞  
華哲匠能筆飛鸞聳立

章罷鳳騫騰精理通談笑忘形向友朋寸長卑繼

一諾豈驕矜已忝歸曹植何如對李膺招要恩

屢至崇重力難勝披霧初歡夕高秋爽氣澄樽罍

臨極浦鳧雁宿張燈花月窮遊宴炎天避鬱蒸硯

寒金井水簷動玉壺冰飲惟三徑巖樓在白層

且持盞測海况挹酒如澠鴻寶寧全秘丹梯庶可

凌惟王門有客終不愧孫登稽康有愧孫登以所

不同康之有愧也

漢官儀請侯功德優盛朝廷所敬異者賜位持  
進唐百官志文散階正二品曰特進魏畧節  
鄴見曹植曩為天人思經被服禮樂釋名  
酒有汎齊浮蟻賜鷹未詳棣萼明皇造花萼



相輝之樓以友愛諸王此言汝陽能善於兄弟  
也莊子養志者忘形王粲徐幹陳琳阮瑀應  
瑒劉楨誰見友善後漢書杜密與李膺俱坐  
黨銅而名行相次時人稱李杜焉謝瞻詩並  
坐相招要行晉山濤傳總秩崇重逸士傳許  
池池有鶴洲鳥潛太極飲訖挂木上風吹歷歷  
山手捧水飲人遺一瓢將謂舍中三徑左有  
有聲由以爲煩去之東方朔傳以蠶測海  
書如泥謝靈運詩麗步陵丹梯居汲郡北山  
南養士數千人晉隱逸傳孫登居汲郡北山  
稽康從之遊三年將別曰子才多識寡難免於  
今之世矣康不能川果遭非命乃作幽憤詩曰  
昔慙柳下今愧孫登

敬贈鄭諫議十韻

諫官非不達詩義早知名破的山來事先鋒孰敢

爭思飄雲物外律中鬼神驚毫髮無遺憾波瀾猶

老成野人寧得所天意薄浮生多病休儒服冥搜

信客旌築居仙縹緲旅食歲崢嶸使者求顏闔諸

公厭禰衡將期一諾重歛使寸心傾君見途窮哭

宜憂阮步兵

漢主父偃傳彼人人喜得所本集注冥搜謂  
搜詩幽勝舞鶴賦歲時嶮而愁暮莊子魯  
君聞顏闔得道之異不若審之使以幣還焉對曰恐  
誤聽而遣使者罪不若審之使以幣還焉對曰恐  
求之則不得已禰衡見卷二李詩反審之復  
籍率意命駕不由徑路車跡所窮輒慟哭而返  
問步兵厨人善釀有貯酒  
三百斛乃求爲步兵校尉

上韋左相二十韻

卷十七

七



從朝廷用人說起與投贈哥舒翰管同是寫屋  
 鳳歷軒轅紀龍飛四十春八荒開壽域一氣轉洪  
建飯之勢  
 鈞霖雨思賢佐丹青憶舊臣應圖求駿馬驚代得  
字叙相業簡光  
 麒麟沙汰江河濁調和鼎鼐新韋賢初相漢范叔  
 已歸秦盛業今如此傳經固絕倫豫章深出地滄  
 海闊無津北斗司喉舌東方領摺紳持衡留藻鑑  
 聽履上星辰獨步才超古餘波德照鄰聰明過管  
 輅尺牘倒陳遵豈是池中物由來席上珍廟堂知  
衆人自己每用此法  
 至理風俗盡還淳才傑俱登用愚蒙但隱淪長卿  
寫流俗所應  
 多病久子夏索居頰回首驅流俗生涯似衆人巫  
 咸不可問鄒魯莫容身感激時將晚蒼茫與有神

為公歌此曲涕淚在衣巾

左少皞氏鳥鳴官鳳鳥氏歷正也北齊享廟歌  
 龍圖革命鳳歷歸昌後漢李固疏陛下撥亂  
 龍飛初登大位漢王吉傳殿一州之民躋之  
 仁壽之域張華詩洪鈞淘萬類神州化之丹青  
 旱用汝作霖雨張華詩洪鈞淘萬類神州化之丹青  
 尚書與許靖議進法應圖蜀志周處為吏青  
 幽滯三年為丞相儀三公助鼎和味沙汰穢濁顯拔  
 始三年為丞相儀三公助鼎和味沙汰穢濁顯拔  
 為客卿豫章木名史記范雎字叔王稽載入秦  
 舌尚書亦為陸下喉舌李固傳北斗為天之喉  
 履見前張九齡詩魏志管輅自鏡銓衡與才  
 明晉陳遵傳善書與人尺牘主者藏弄以為榮  
 儒有禮上之珍以待聘而索居亦已久矣列  
 疾子鄭有神巫自齊來日季咸  
 知人生死存亡禍福壽夭



喜聞官軍已臨賊境二十韻

唐書至德二載閏八月賊寇鳳翔王伯倫等率眾捍賊乘勝追擊賊燒營而去九月丁亥廣平王將朔方等軍及回紇西域之眾十五萬發鳳翔王寅至長安城西與賊將安守忠等戰於香積寺之北澧水之東賊大敗棄京城走陝郊癸卯大軍入京師甲辰捷書至鳳翔

胡騎潛京縣官軍擁賊壕鼎魚猶假息穴蟻欲何

逃帳殿羅玄冕轅門照白袍泰山當警蹕漢苑入

旌旄路失羊腸險雲橫雉尾高五原空壁壘八水

散風濤今日看天意遊魂貸爾曹乞降那更得尙

詐莫徒勞元帥歸龍種司空握豹韜前軍蘇武節

左將呂虔刀兵氣回飛鳥威聲沒巨鼉戈劍開雪

色弓矢向秋毫天步艱方盡時和運更遭誰云遭

毒螫已是沃腥臊睿想丹墀近神行羽衛牢花門

騰絕漠拓羯渡臨洮此輩感恩至羸俘何足操鋒

衣先染血騎突劍吹毛喜覺都城動悲憐子女號

家家賣釵釧只待獻香醪

南史王暹書將軍魚游於鼎沸之中後漢謝夷吾傳游魂假息非刑所加異苑晉桓謙見有人長寸餘悉被鐵持象乘馬從垣中出緣几於窟將山道士來應子合作沸湯澆所入處因掘之有解語大蟻死在穴中太行山盤行如羊腸雉尾扇名長安志長安萬年二縣之外有畢原白鹿原少陵原高陽原細柳原謂之五原關內有八水小學補珠文武龍虎豹犬



為六韜晉書徐州刺史呂虔檄王祥為司馬  
初虔有佩刀工相之以為必三公可服虔乃與  
祥鄰陽傳上覆飛鳥下不見伏兔列子巨  
盤戴山東都賦戈劍昔雲說文鏃小矛西  
京賦蕩亡秦之毒螫說文沃灌漑也韓子  
民食果蠶蛛蛤腥臊惡臭而傷害腹胃花門  
山名臨洮屬隴右董卓傳呂布殺卓長安士  
女賣其珠玉衣裝市酒肉相慶者填滿街肆

送蔡希魯都尉還隴右因寄高三十五書

原注時哥舒人  
記奏勒蔡子先歸

蔡子勇成癖彎弓西射胡健兒寧鬪死壯士恥為  
儒官是先鋒得材緣挑戰須身輕一鳥過槍急萬  
人呼雲幕隨開府春城走上都馬頭金匱匣號皆  
錦糶糊咫尺雪山路歸飛青海隅上公猶籠錫突

將目前駐漢使黃河遠涼州白麥林因君問消息  
好在阮元瑜

哥舒翰傳翰工用術鮑照詩彫屏匣匣組賦  
刻到會陰匝周統豹唐書翰在隴右每遣使  
入奏常乘白橐駝日馳五百里趙法驛昔蒙以  
錦袍故云糶糊匣匣糶糊皆方言雪山青海  
近吐谷渾朱注大寶十四載春哥舒入朝道  
得風疾遂留京師故都尉先歸通典京州貢  
白小麥魏志阮瑀字元瑜太祖以為司空  
軍謀祭酒記室軍國書檄多陳琳阮瑀所作  
遺興於賦中遙憶幼子

驥子好男兒前年學語時問知人客姓誦得老夫  
詩世亂憐渠小家貧仰母慈鹿門攜有處鳥道去  
無期天地軍塵滿山河戰角悲偷歸免相失見日



敢辭進

陶詩弱子戲我側學語未成音 國語宜為人客 龐德公攜妻子隱鹿門山

行次昭陵

唐書京兆府醴泉縣有九峻山太宗昭陵在西北六十里

舊俗疲庸主羣雄問獨夫識歸龍鳳質威定虎狼

高天屬尊堯典神功協禹謨風雲隨絕足日月繼

高衢文物多師古朝廷半老儒直詞寧戮辱賢路

不崎嶇往者災猶降蒼生喘未蘇指麾安率土盪

滌撫洪鑄壯士悲陵邑幽人拜鼎湖玉衣晨自舉

鐵馬汗常趨松柏瞻虛殿塵沙立暝途叔寥開國

口流恨滿山脚

舊書太宗四歲有書生見之曰龍鳳之姿天日

之表年將二十必能濟世安民 史記秦虎狼

之國也 莊子彼以利合此以天屬洙曰天屬

父子也 禰衡傳絕足奔放 登樓賦注高衢

大道也 歐陽公曰盪滌撫洪鑄謂剛成天下

如洪鑄 西都賦充奉陵邑 鼎湖見卷六李

詩列子日獻玉衣漢儀注以玉為衣如鑑

狀連綴之以黃金為纆 陸倕石闕銘鑄馬千

羣 陶宏景詩 曠途載誰賞

重經昭陵

草昧英雄起謳歌歷數歸風塵三尺劍社稷一戎

衣翼亮貞文德丕承敢武威聖圖天廣大宗祀日

光輝陵寢盤空曲熊羆守翠微再窺松柏路還見

卷十七

四



五雲飛首前傷亂此望中興以  
梁武詔謳歌取天下 抱朴子儒雅而乏治 畧者非冀克之  
才古詩松 柏夾廣路

寄李十二白二十韻

昔年有狂客號爾謫仙人筆落驚風雨詩成位鬼  
神聲名從此大泪沒一朝伸文彩承殊渥流傳必  
絕倫龍舟移棹晚獸錦奪袍新白日来 梁園夜  
滿後塵乞歸優詔許遇我宿心親未負幽棲志兼  
全寵辱身劇談憐野逸嗜酒見天真醉梁園夜  
行歌泗水春才高心不展道屈善無鄰處士禰衡

泣

俊諸生原憲貧在甫荒致以五嶺三危為比 樞梁求未足慧苴謗何頻五嶺炎  
蒸地三危放逐臣幾年遭鵬鳥獨泣向麒麟蘇武

先還漢黃公豈事秦楚筵辭醴日深獄 上書辰已

用當時法誰將此義陳老吟秋月下病起暮江濱

莫恠恩波隔乘槎與問津大白一生具見於此未

其不受永王麟之汗矣

仇注龍舟謂蓮池之召獸袍時蓋有官祿之賜  
也郭璞詩尋我青雲友永與時人絕唐書  
自求還山帝賜金放還蜀都賦劇談戲論仇注  
通雅宿心即夙心蜀都賦劇談戲論仇注  
梁園泗水乃洛陽齊魯間同遊之勝事也和  
梁見卷二馬援傳漢書注 五嶺山西自衡山  
諺之以為明珠大貝漢書注 五嶺山西自衡山  
東至于海山海經 三危山在鳥鼠山西括地



志三危在敬德縣東南二十里仇注遵勝慮  
身危泣麟歎道窮矣漢書黃公避秦入商山  
又楚元王敬禮穆生嘗為設醴及王戊即位忘設醴穆生退曰可以逝矣遂謝病去

奉和嚴中丞西城晚眺十韻

汲黯匡君切。廉頗出將頻。直詞才不世。雄畧動如神。  
神政簡移風。速詩清立意。新層城臨暇景。絕域望餘春。  
旗尾蛟龍會。樓頭燕雀馴。地平江動蜀。天闊樹浮秦。  
帝念深分閫。軍須遠算緡。花羅封蛺蝶。瑞錦送麒麟。  
辭第輸高義。觀圖憶古人。征南多興緒。事業闇相親。

漢汲黯字長孺好直切諫廉頗趙良將舊注遠算緡謂不事科斂也漢書元符四年初算緡

錢 仇注蛺蝶麒麟羅錦所繡者承上帝意知為所賜之物辭第不顧身家觀圖留心邊事朱注公有同嚴公詠蜀道畫圖詩又入哀詩云堂上指畫圖所謂觀圖憶古人者蓋實事也 杜預傳拜征南將軍仇云杜征南係公十三世祖故用以贈嚴

奉送嚴公入朝十韻

嚴武傳代宗既立召武還時滿宗是朝尋充二聖山陵橋道使

鼎湖瞻望遠。象闕憲章新。四海猶多難。中原憶舊臣。  
與時安反側。自昔有經綸。感激張天步。從容靜塞塵。  
南圖回羽翮。北極捧星辰。漏鼓還思晝。宮鶯罷啼春。  
空留玉帳術。愁殺錦城人。閣道通丹地。江潭隱白蘋。  
此生那老蜀。不死會歸秦。公若登台輔。



臨危莫愛身

黃帝鑄鼎處曰鼎湖鼎成龍垂胡鬚下迎玉帳  
兵家厭勝之方位主將於其方置軍帳堅不可  
犯關道在蜀漢官儀省中皆胡粉塗  
壁以丹塗地後漢張奮傳累世台輔

傷春

日月還相闕，星辰屢合圍。  
不成誅執法，焉得變危機。  
大角纏兵氣，鈎陳出帝畿。  
煙塵昏御道，耆舊把天衣。  
行在諸軍闕，來朝大將稀。  
賢多隱屠釣，王昔

戰同歸

晉天文志數日俱出若闕天下起兵大戰元帝  
大興四年二月癸亥日闕漢天文志高祖七  
年月暈圍參畢七重是歲上至平城為單于所  
圍杜詩阿議漢志哀帝元壽元年十一月歲

星入太微逆行於右執法古曰大昏有憂法  
者誅若有罪二年十一月高安侯董賢免歸自殺  
此詩執法二句暗引是事以董賢况程元振也  
晉天文志大角天王座鈎陳後宮也陳後  
主詩風氣動天衣仇注昏御道行急塵起  
把天衣率衣留駕也注時代宗幸陝

王園州筵衣酬汁一舅惜別之作

警絕要爭此起三  
萬壑樹聲滿，千崖秋氣高。  
浮舟出郡郭，別酒寄江

濤。良會不復久，此生何大勞。  
窮愁但有骨，羣盜尙如毛。  
吾舅惜分手，使君寒贈袍。  
沙頭暮黃鵠，失侶亦哀號。

賈新書反者如蠅毛而起鶴注時吐蕃黨項與  
僕固懷恩之亂方殷故有羣盜如毛之句范  
離見須賈賈以絺袍賜之



春歸

苔徑臨江竹。茅簷覆地花。別來頻甲子。歸到忽春華。  
倚杖看孤石。傾壺就淺沙。遠鷗浮水靜。輕燕受風斜。  
世路雖多梗。吾生亦有涯。此身醒復醉。乘興即為家。

世紀黃帝使大撓作甲子左絳縣人或年長矣有與疑年使之年曰臣生之歲正月甲子朔四日有四五甲子矣

武詩努力愛春華

奉觀巖鄭公廳事 岷山沱江畫圖十韻

唐地理志茂州汶山縣有岷山

身以爲 范水臨中座 岷山到北堂 白波吹粉壁 青嶂插雕

梁直謝杉松冷兼 疑菱苕香雪雲虛點綴 沙艸得

微茫嶺雁隨毫末 川霓飲練光霏紅 洲蕊亂拂黛

石蘿長暗谷非關 雨丹楓不為霜 秋城空圃外景

物洞庭傍繪事功殊絕 幽襟興激昂 從來謝太傅

邱壑道難忘

淮南子崑崙崑崙唯絕通天 楚辭洞庭波兮木葉落 晉書謝安放情邱壑 雖受朝寄東山之志始末不渝 淪率贈太傅

謝先主廟

一統志先主廟在夔州府治東六里

慘澹風雲會 乘時各有人 力伴分社稷 志屈偃經



綸復漢留長策中原仗老臣雜耕心未已歐血事

言天命去歸

酸辛霸氣西南歇雄圖歷數屯錦江元過楚劍閣

人於晉

復通秦舊俗存祠廟空山泣鬼神虛簷交鳥道枯

木半龍鱗竹送清溪月苔移玉座春問閭兒女換

此誤

歌舞歲時新絕域歸舟遠荒城繫馬頻如何對搖

先主而自抒懷抱

落况乃久風塵孰與關張並功臨耿鄧親應天才

不小得士契無鄰遲暮堪帷幄飄零且鈞緝向來

憂國淚寂寞灑衣巾三分割據君臣魚水孔明之

鞠躬盡瘁後主之而縛出降

起數句中包括殆盡何等筆力絕域歸舟下純

是自傷語謂今風塵未靖孰與關張並其忠勇而

其功可與耿鄧相親者乎使有英士庶天而出得

士相契則吾輩遲暮猶堪共謀帷幄惟飄零不偶

所以憂國之淚不能自己也若未

段仍說向先主不免前後重複

蜀志亮與司馬懿對於渭南每患糧不繼分兵

屯田為久駐之基耕者雜於渭濱居民之間百

姓安堵軍無私馬魏志亮糧盡勢窮憂志唯

血一夕燒營遁走入谷道發病卒舊注清溪

指豐溪永安宮在豐溪側玉座神床謝眺詩玉

座猶寂寞關羽張飛皆蜀將耿弇鄧禹後漢之

功臣也

### 東屯月夜

抱疾漂萍老防邊舊穀屯春農親異俗歲月在衡

門青女霜楓重黃牛峽水喧泥留虎鬪跡月挂客

愁村喬木澄稀影輕雲倚細根數驚聞雀噪暫睡

想猿蹲日轉東方白風來北斗昏天寒不成寢無



夢寄歸魂

東市田公孫述所開以積穀養兵者故云防邊  
舊穀屯淮南子秋三月青女出以降霜注青  
女天神主霜雪  
黃牛喚名

哭李尚書

之

本集注尚書唐宗室也安祿山奏為范  
陽司馬祿山反自投歸京師廣德初使  
吐蕃被留二年乃得歸拜  
禮部尚書改太子賓客

漳濱與蒿里逝水竟同年欲挂留徐劍猶憶迴戴  
船相知成白首此別聞黃泉風雨嗟何及江湖涕  
泫然修文將管轄奉使失張騫史閣行人在詩家  
秀句傳容亭鞍馬絕旅櫛網虫懸復魄昭正遠歸

步素履偏樵蘇封

葬地喉舌罷朝天秋色凋春草

子孫若箇邊

劉楨詩余嬰沉痼疾鼠身清漳濱漢書注蒿  
里死人里季札過徐徐君好季札劍使還徐  
君已死札乃解劍繫塚樹世說王子猷居山  
陰雪夜忽憶戴安道時戴在剡溪即乘輕船就  
之既造門不前使返人問其故曰吾本乘興而  
行興盡而返晉書蘇韶既死而姓云顏淵卜  
商為地下修文郎魏志管輅謂弟辰曰天與  
我壽明不與我年壽悲四十七八問不見女嫁  
男婚也明年二月卒年四十八張騫使月氏  
匈奴留十餘歲禮法復謂始死昭正楚昭王  
與乘西征賦地有玄灑素澹韓信傳樵蘇後  
書為喉子

張巡



守睢陽詩

漢地理志梁國縣睢陽張延傳安慶緒琦攻睢陽延固守城陷遇害

接戰春來苦孤城日漸危合圍侷月暈分守若魚

麗屢厭黃塵起時將白羽搗裏瘡猶出陣飲血更

登陣忠信應難敵堅貞諒不移無人報天子心計

欲何施

月暈見前杜甫傷春詩左為魚麗之陣先偏後伍伍承彌縫

王季友

玉壺冰

鮑照白頭吟前如朱絲繩清如玉壺冰

王壺知素潔止水復中澄王詩堅白能虛受清寒得自

凝分形同曉鏡照物掩宵燈壁映圓光徹人驚爽

氣凌金鬪何足貴瑤席幾迴翫正值求瓊瓊提攜

共飲冰

江總方鏡銘明齊止水照與天長莊子朝受命而夕飲冰

李華字遐叔趙郡人開元中舉進士天寶中舉

奉母逃為益所召用以廢疾辭

尚書都堂瓦松詩帖

華省祕仙蹤高堂露瓦松葉因春後長花為雨來

濃影混鴛鴦色光含翡翠容近天忻所寄我地數







